

1

7-27

01 JUL 2009



Սմբատ Շահագիրի յիշատակին

Քեզ, քո սուրբ յիշատակիդ, իմ անմոռանալի ուսուցիչ, նուիրում եմ անմահ Հայնէի՝ քո սիրած բանաստեղծի «Ընտիր մտքեր» գրքոյկս։ Այն խղճուկ հայերէնը, մայրենի լեզուս, որ գիտեմ, քեզ եմ պարտական, ուստի ընդունիր այս փոքրիկ գրքոյկը, որպէս առհաւատչեայ իմ երախտագիտութեան և այս «Ընտիր մտքերը» ընտիր անուշահոտ ծաղիկների փոխարէն ցանում եմ բանաստեղծիդ գերեզմանի վրա։

Միշտ երախտագէտ քո աշակերտ

ԱՌԱՋԱԲԱՆԻ ՓՈԽԱՐԷՆ.

Ներկայ գրքոյկը, որ պարունակում է բանաստեղծ Հայնէի «ընտիր մտքերը» հրատարակելու առիթ տուաւ մեզ տ. Գիւտ ա. ք. Աղանեանը, որի խմբագրութեամբ լոյս տեսնող «Լուսմայ» հանդիսի 1902 թըւականի համարներում մասամբ տպագրուեցին մի քանիսը այդ մտքերից. իսկ մեծ մասը մնաց չտպագրուած և տ. Գիւտը բուռն շնորհակալութեան արժանի խնամքով երկար տարիներ պահպանել էր ձեռագիրը: Այդ մտքերի մի փոքրիկ մասն էլ տպագրուեց 1903-թ. «Տարազի»-ի համարներում: Երանի թէ մեր նախկին և այժմեան խմբագիրներէից շատերը բարձր. տէր Գիւտի գեղեցիկ օրինակին հետևելու առաքինութիւնը ունենային: Որպէս մայրենի գրականութեան ամենայետին սիրողեմ ասպարէզ գալիս, որպէս և 10-15 տարի առաջ իմ հրատարակած հետևեալ գրքոյկներով¹⁾ Ձոն Լերբօկի «100 ամենալաւ գրքեր»,²⁾ Դիկկենսի «Վերագարձրած յանցաւորը»,³⁾ Բեօրնսօնի «Միակնութիւն և բազմակնութիւն»:

Այդ գրքերից ես միայն վնասուեցի նիւթապէս, անցան շատ տարիներ, ես շատ գրքեր թարգմանեցի, ազատ ժամերս նուիրելով, բայց այլևս չվստահացայ հրատարակել խուսափելով նիւթական վնասից: Տպագրելով սոյն գրքոյկը, ես կանխօրէն գիտեմ, որ դարձեալ նիւթապէս պիտի տուժեմ, բայց գտնում եմ, որ այդ գրքոյկը գեղեցիկ ժամանց կարող է լինել գրա-

կանութեան և ընթերցանութեան սիրողների, համար, լիհարկէ, ոչ այն սիրողների, որոնց ճաշակը փչացած է «գուլումի» գրքերով. սիրտը և ուզեղը թունաւորուած: 19-րդ դարի վերջին 2 տասնամեակի և 20-րդ դարի սկզբի, մեր գրականութիւնը գրեթէ բացառապէս գուլումի գրականութիւն կարելի է անուանել, իսկ գրողներին «գուլումիստ», ինչպէս կան սիմվոլիստ, մօդերնիստ գրողներ, իսկ ժողովրդի լեզուով ասած «գուլումչի»: Ձուլում ստեղծելը ժողովրդի գլխին, գուլում երգելը մօդա, գրեթէ պարիզեան մօդա, դարձաւ: Մասամբ ինձ վարձատրուած կղզամ, եթէ այդ «Ընտիր մտքերը» գէթ մի քանի հայ երկտասարդների կսովորեցնեն, կընտելացնեն առողջ գործել և ետ կպահեն «գուլումչի-տերի» մտածելակերպից և գործելակերպից:

Ա. Ե.

ՀԱՅՆՐԻԽ ՀԱՅՆԷ:

1797 թ.)

Հայնրիխ Հայնէն ծնուել է 13 դեկտեմբերի Դիւսսելդորֆ քաղաքում հրէայ ծնողներէց, որ անունն էր Սամսոն, իսկ մօր անունը Բեսախ: Հայնրիխ Հայնէն իր հոգեկան և մտաւոր ոյժերի ամբողջ զարգացումը պարտական էր իւր մօրը, որ անսահման կերպով սիրում էր նրան և Հայնրիխը իր ամբողջ կեանքի ընթացքում սրբազան սէր էր տածում դէպի մայրը: Դիւսսելդորֆում նա ստացաւ իր առաջին ուսումը ֆրանցիսկեանների նախկին վանքի շինութեան մէջ գեոմետրիայի դպրոցում: Այդտեղ և Յրանկֆուրտում Մայնի վրայ, ուր նա ապրեց մի ժամանակ, Հայնէի պատանեկական հոգին առաջին անգամ համակուեց սիրոյ այն երանութեամբ և տանջանքներով, որոնք ծառայեցին իբրև հիմք ամբողջ նրա քնարերգական բանաստեղծութեան՝ լիրիկայի: 1819 թականին Հայնէն մտաւ Բոննի համալսարանը. 1820 թւին նա փոխադրուեց Գեոտտինգենի համալսարանը, որտեղից մենամարտի համար նա հեռացրուեց և տեղափոխուեց Բերլին, ուր նա սկսեց յաճախել գրական շրջանները: Այստեղ 1822 թւին նա հրատարակեց իր բանաստեղծութիւնների առաջին ժողովածուն, որ գրաւիչ աւելնով և օրիգինալ ձևով մեծ աջողութիւն

գտաւ: «Նրա երգերը, գրում էին արդէն այն ժամանակ նրա առաջին կրիտիկոսները, — հիերոգլիֆներ են, որ մի քանի նշաններով արտայայտում են զգացմունքների և մտքերի մի ամբողջ աշխարհ: Երբէք ոչ մի բանաստեղծ իր երգերի մէջ չի մարմնացրել իր անձնականութիւնը, ամբողջ ներքին կեանքը այսպիսի համարձակութեամբ և անպայմանութեամբ, որպէս Հայնէն»: Այս հատորին յաջորդեցին Հայնէի ուրիշ երկերը, որոնցից իւրաքանչիւրը Գերմանիայի հասարակական կեանքում աչքի ընկնող մի անցք էր: 1825 թականին 28 յունիսի Հայնէն հայլիգենշտադ գիւղաքաղաքում ընդունեց քրիստոնէութիւն: Նա քրիստոնէութիւնն ընդունեց ընտանեկան նախաձեռնութիւնից և նիւթական անհրաժեշտութիւնից ստիպուած: Հետեւալ տարիներում մենք հանդիպում ենք բանաստեղծին մէկ համբուրգում, մէկ ծնողների մօտ Լիւնսբուրգում կամ Նորդէրնէյում կամ Անգլիայում, կամ Միւնխենում կամ Իտալիայում: Նա իր բանաստեղծական անհարթ բնաւորութեան շնորհիւ չէր կարողանում մի տեղ բուն գնել, հիմնաւոր, հաստատ ընակութիւն հաստատել: Հէնց այդ աստանդական կեանքի շրջանում նա ստեղծեց և հրատարակեց իր ամենանշանաւոր երկերը: 1830 թականին Պարիզի յուլիսեան յեղափոխութեան օրերին նա Համբուրգումն էր: Պարզ է, որ Հայնէն իր ամբողջ հոգով ու գոր-

ծունէութեամբ ձուլուեց այդ փոթորկալից օրերի անցքերի հետ: Նրա մասնակցութիւնը այդ անցքերին, անհնարին դարձրեց այլ ևս նրա անվտանգ, ապահով կեանքը Գերմանիայում:

Պարիզի յուլիսեան յեղափոխութեան ազդեցութեան տակ և անմիջապէս նրանից յետոյ Գերմանիայում առաջ եկաւ, ստեղծուեց մինոր գրական շարժում, նոր գրական կուսակցութիւն՝ «Ներտասարդ Գերմանիա» անունով, որի գլխավոր սիւներ և ղեկավարներ յայտարարուեցին Հայնէն և Բեօրնէն, իբրև քաղաքական գրողներ: «Ներտասարդ Գերմաններին» և նրանց հետևողներին բոլոր գերման տէրութիւնները հալածում էին հաւասարապէս, նրանց մասին առանձին դատան օրէնքներ հրատարակուեցին, նրանց ոչ միայն ժամանակակից գրուածները արգելուեցին, այլ և ապագայում լոյս տեսնելիք երկերը:

1831 թուականի մայիսին Հայնէն գնաց Պարիզ, որ վաղուց դէպի ինքն էր գրաւում նրան: Աշխարհի այդ մայրաքաղաքի բուլվարները կենդանի, լի ցնցումներով ջղային կեանքը շուտով ամբողջապէս տիրեցին նրան: Պարիզի կեանքը համապատասխանում էր նրա վառվռուն բնավորութեան՝ տեմպերամենտին, սիրոյ և ազատութեան ասպետին վայել: Պարիզում նա մասնակցում էր Ֆրանսիական թերթերին, ծանօթացնելով Ֆրանսիացիներին գերմանական ժամա-

նակակից մտաւոր շարժման հետ: Պարիզում Հայնէն ամուսնացաւ Մադիլտա Միրատ աղջկայ հետ, որ ջերմ սիրում էր նրան, բայց հեռու էր նրա մտաւոր և հոգևոր աշխարհը հասկանալուց: Մատիլդային նա անմահացրել է իր շատ երգերի մէջ: 1843 թ. ապրիլին, 13 տարուայ նժդեհութիւնից, վտարանդու կեանք անցկացնելուց յետոյ, Հայնէն կարճ ժամանակով կրկին այցելեց Գերմանիան, ուր նոր հովերը կերպարանափոխել էին քաղաքական մթնոլորտը, բայց Պարիզը դարձեալ մնաց որպէս նրա մշտական բնակութեան տեղ: Պարիզ վերադառնալուց յետոյ, նա անկողին մտաւ: Հիւանդութիւնը, որ փոթորկալից կեանքի հետեանը էր, ասնջում էր նրան անխնայ կերպով: Եօթ տարի նա, կենդանի, սարսափելի տանջանքների մէջ պռկած էր այդ բաց գերեզմանի մէջ: 1855 թուականի փետրուարի 16 լոյս 17-ի գիշերը մահը վերջապէս ազատեց Հայնէին անտանելի տանջանքներից: Իր կամքի համաձայն նա թաղուած է Պարիզի Մոնմաբտը հանգստադանում. նրա գերեզմանի վրա մի անշուք տապանաքար է քաշած, որի վրա երկու բառ են քանդակուած Հանրի Հայնէ (Henri Heine): Փոքրիկ երկաթէ ցանկապատը շրջապատում է տապանաքարը: Հայնէի երկրպագու ճանապարհորդները այցելելով Պարիզը, գալիս են ուխտի՝ Մոնմաբտը նրա գերեզմանին և ծա-

դիկներով զարգարում նրա գերեզմանը կամ այ-
ցետոմսեր թողնում մակագրուած գանազան գե-
ղեցիկ բանաստեղծական կտորներով իբրև յիշա-
տակ:

Հայնէն իր զրիչը փորձեց զրահանութեան
բոլոր տեսակներում, բանաստեղծական, արձակ,
հրապարակախօսական, ըննադատական և այլն,
բայց նրա գլխաւոր արժանիքն է և կմնայ միշտ,
որպէս մեծ երգիծաւառն. նա իր երգիծանքի մէջ
մինչև անգամ ինքն իրան չէր խնայում: Հիւանդ
դարի հիւանդ դաւակ նա չստեղծեց Գեթթէի
«Պոուստի» նման մի երկ, կամ Շէկսպիրի»
Համլէտի պէս մի գործ, սակայն ինչ որ նա ստեղ-
ծեց անհունօրէն մեծ և նշանաւոր էր: Նրա մի
միտքը, մի պատկերը ամբողջ աշխարհ են պա-
լունակում երբեք իրանց մէջ, այնպէս հանճա-
րեց են նրանք: Հայնէի երկերը գրեթէ հայերէն
չեն թարգմանուած, բացի «Պլորենցիայի գիշեր-
ներից», որ լոյս տեսաւ պատկերազարդ «Ար-
ձագասնք»-ի, կարծեմ, 1890 թւի համարներում և
չհաշուած մի քանի մանր բանաստեղծութիւնները:
Գերմանիան, նոյն իսկ Հայնէի հայրենի քաղաք
Դիւսսելդորֆը մինչև այժմ ոչ մի արձան չեն
կանգնեցրել մեծ բանաստեղծին, չնայած նա
Գերմանիայի առաջնակարգ բանաստեղծներից է
և նրա փառքը ու պարծանքը: Շատ խոր է գեր-
մանական թթու շովինիզմը տակաւին և գեր-

մանացիք մինչև այժմ չեն կարողանում ներել
Հայնէի հրէական ծագումը և երգիծական, թու-
նաւոր գրիչը: Միայն աւստրիական Ֆրանց-Յով-
սէփ կայսրի կին, չարագործի ձեռքով սպանուած
կայսրուհի Ելիզաւետան, որ Հայնէի սիրահար
էր, Կորֆու կղզու վրա կանգնեցրել է փառա-
հեղ մի արձան:

Մի հանգամանք էլ կայ, որ գերմանացիք
երբէք չեն մոռանալ և Հայնէին երբէք չեն նե-
րիւ: Հայնէն Փրանսիական կառավարութիւնից
տարեկան ստանում էր 4,800 ֆրանկ 1838 թը-
ւականից մինչև 1848 թւականը այն ֆօնդից,
որ Փրանսիական կառավարութիւնը յատկացրել
էր յայտնի քաղաքական վտարանդիներին (էմիգ-
րանտներին): Հայնէի թշնամիները օգտուելով
այդ հանգամանքից Հայնէին գերմանական հայ-
րենիքի դաւաճան հրատարակեցին, մինչդեռ Հայ-
նէն պարծենում էր Փրանսիական կառավարու-
թեան տուած նպաստով, յայտարարելով, որ
Փրանսիան գիտէ գնահատել նոյն իսկ օտար
զրոյներին և ըստ արժանւոյն վարձատրել, մինչ-
դեռ գերման գրողները իրանց հայրենիքում՝
Գերմանիայում ոչ միայն չեն գնահատուած, այլ
հալածուած են և յաճախ քաղցից մեռնում:

Ներկայ շատ անգոյն կենսագրական տեղե-
կութիւնները և Հայնէի «ընտիր մտքերը» որոշ
գաղափար կտան Հայնէին անձանօթ ընթերցող-
ներին նրա մտաւոր և հոգևոր աշխարհի մասին:

ՊԵՏՈՒԹԻՒՆ ԵՒ ՀԱՍՍՐԱԿՈՒԹԻՒՆ

—Կարելի է ծերանալ և չիմանալ, որ սիրում ես հայրենիքդ. դրա համար պէտք է մնալ այնտեղ, նորա մէջ: Գարնան էութիւնը մենք իմանում ենք ձմրանը. վառարանի մօտ են երգւում լաւագոյն, մայիսեան երգերը:

—Իւրաքանչիւր մի քայլ, որ մարդկութիւնը գնում է առաջ, արեան հեղեղներ արժէ: Արդեօք այդ խիստ թանգ չէ: Միթէ անհատի կեանքը նոյնքան թանգ չէ, որքան և ամբողջ սերնդի: Ամեն մարդ—այդ մի աշխարհ է, որ նրա հետ ծնւում է և նորա հետ մեռնում. իւրաքանչիւր գերեզմանաքարի տակ ումբոփուած է համաշխարհային պատմութիւնը:

Ով ժողովուրդ, ցնցոտիներով ծածկուած խեղճ թագաւոր, գտնում է իրան համար շողօքորթներ, որոնք աւելի անխիղճ են Բիւզանդիոնի և Վերսայի շողօքորթներից: Ժողովրդի այդ պալատական ծառաները, լակէյները գոչում են բոլոր փողոցների անկիւններում. «Ո՛հ որպէս գեղեցիկ է ժողովուրդը». —Ո՛հ որքան բարի է ժողովուրդը, ո՛հ որքան խելացի է ժողովուրդը.

Դուք սուտ էք ասում, ժողովուրդը գեղեցիկ չէ. նա այլանդակ է: Շինեցէք լողարաններ, ուր նորին մեծութիւն ժողովուրդը կարողանար ձրի լողանալ: Ժողովուրդը բարի չէ. նա երբեմն բարկացկոտ է ինչպէս բոլոր իշխանները. կերակրեցէք նորան, և նա բարի կլինի: Նա խելացի չէ: Նա սիրում է միայն նորան, ով խօսում է կամ մոռնում է նորա հետ նրա կրքերի ժարգօնով (լեզուով), բայց ատում է նորան, ով նրան բանականութեան՝ խելացի խօսքեր է ասում: Այսպէս է նա ամեն տեղ, և՛ Պարիզում, և՛ Երուսաղէմում:

✓—Հայրենիքը ստրկունի է այնտեղ, որտեղ փայտն է իշխում:

—Պարլամենտական երկիրներում ընտրական պայքարը-այդ ձիարշաւներ են, որտեղ ոչ թէ ոյժի, ցեղի, տոկունութեան ներքին առաքինութիւններն են յաղթանակը որոշում, այլ արագատտ շարժունութիւնը:

Մարդկային կեանքը քիչ է մի մարդու բնաւորութիւնը ճանաչելու և հասկանալու համար: Իսկ ժողովուրդը բաղկացած է առանձին անհատների, մարդկանց միլիոններից:

Ամբոխը, ժողովուրդը ծաղր, հեզնանք չէ:

լ սիրում: Ժողովուրդը, որպէս հանճար, որպէս սեր,
որպէս անտառ, որպէս ծով, լուրջ է:

Իսկապէս ոչ մի մարդ կատարելապէս ազա-
տամիտ չէ: Կատարելապէս ազատամիտ է միայն
ամբողջ մարդկութիւնը: Մի մարդ ունի ազա-
տամտութեան մի մասը, որ ուրիշը չունի և
այլն:

Ամբողջ աշխարհի վաճառականները մի կրօն
ունեն: Գրասենեակը նրանց եկեղեցին է, գր-
քակալը նրա բեմը—, կասսայի գիրքը նրա սուրբ
գիրքը (աստուածաշունչը), պահեստի տեղը, ամ-
բարը—սրբութիւն սրբոցը. բորսային զանգակը
նրա եկեղեցու զանգը, ոսկին-նրա Աստուածը և
վարկը—նորա հաւատը:

Աշխարհի հիմնական չարիքը այն է, որ
Աստուած շատ քիչ փող է ստեղծել:

Հրէայ Փուլըը ընտրուած է պարլամենտի
անգամ: Ես շատ ուրախ եմ այդ բանի համար,
ուրեմն հրէաների իրաւահաւասարութիւնը իրա-
գործուել է լիովին: Առաջ միայն շատ հանճա-
րեղ հրէան կարող էր պարլամենտ մտնել սպր-
դել. բայց եթէ այդպիսի միջակութիւնը արդէն,
որպիսին Փուլըն է, անցնում է—այլևս տարբե-

րութիւն, խտրութիւն չկայ հրէաների և ոչ հրէ-
աների միջև:

Բանաստեղծը—ասել է. «առաջին թագա-
ւորը—բաղդաւոր գինուոր է եղել»: Աւելաց-
նենք—«առաջին սեղանաւորը՝ բանկիր բաղդա-
ւոր խաբեբայ է եղել»:

Հասարակութիւնը միշտ հանրապետութիւն
է. առանձին անհատները միշտ ձգտում են առաջ
գնալ, իսկ ամբոխը, մասսան նրանց ետ է մը-
ղում:

Պէտք է ճանաչել ամբողջ Գերմանիան,
միայն մի մասի ճանաչելը վտանգաւոր է: Այդ
այն ծառի պատմութիւնն է, որի տերևները
և պտուղները փոխադարձ հակաթոյն են:

Լուծերը շարժեց, ցնցեց Գերմանիան,
բայց Ֆրանց Դրակէն մեզ դարձեալ հանգստաց-
րեց. նա մեզ գետնախնձոր տուաւ:

Իւղը (մեռոնը), որ թագաւորների գլխի վե-
րայ է հեղվում, թափվում, արգեօք խաղաղեց-
նում է նրանց մտքերի փոթորիկները:

Գերմանական ազգ չկայ. ազնուականու-

Թիւնը, քաղաքացիները միջին դասակարգը, գիւղացիները Գերմանիայում աւելի բազմատեսակ՝ այլասեր են, քան Ֆրանսիացիների մօտ յեղափոխութիւնից առաջ:

Հաննովերի ազնուականները (Junker) էջեր են, որոնք միայն ձիերի մասին են խօսում:

Հների մօտ, հնում հայրենասէրները միշտ իրանց փառաբանում են, օրինակի համար, Կիկերոնը: Նորերն ևս նոյնպէս են անում այն ժամանակ, երբ բարձրագոյն ազատութիւնն է տիրապետում, օրինակ Րոբեսպիեր, Գամիլլ Դիւմուլէն և ուրիշները: Եթէ այսպիսի ժամանակ մեզ համար ևս կգայ, մենք էլ կփառաբանենք մեզ: Անփառունակ (փառք չվայելող) մարդիկ իհարկէ իրաւացի են, երբ նրանք համեստութիւն են քարոզում: Նրանց համար այնպէս զիւրին է այս առաքինութիւնը կիրարկել, գործադրել, նա նրանց անձի ոչ մի յաղթութիւն (ինքնայաղթութիւն) չարժէ և նրանք խիստ սովորական մարդիկ լինելու պատճառով, չեն նկատում իրանց մէջ բացակայող հերոսութեան գործերը (նրանք անգործունեայ են և հերոսութիւնից զուրկ):

Պրուսական ազնուականութիւնը ինչ որ

վերացական բան է, նա բացառապէս յենվում է իւր ծննդեան, ծագման վրա և ոչ սեպհականութեան: Պրուսական ազնուականները (իւնկեր) բնաւ դրամ չունեն:

Ծառաները, որոնք տէր չունեն, ժամանակաւորապէս տեղ, պաշտօն չունեն. դորանով նրանք ազատ մարդիկ չեն դառնում. ծառայական զգացմունքը նորանց հոգու մէջ է:

Գերմանացին նման է այն ստրկին, որ հրնազանգում է իւր տիրոջ առանց շղթայի, առանց մտրակի, միայն նրա խօսքով, անգամ հայեացքով: Ստրկութիւնը նրա մէջ է, նրա հոգու մէջ՝ նիւթական ստրկութիւնից աւելի վատ է հոգևոր ստրկութիւնը:

Գերմանացիները ներկայումս աշխատում են իրանց ազգութեան կազմակերպութեան բարգաւաճման համար, սակայն նրանք խիստ ուշ սկսեցին գործը: Երբ նրանք կաւարտեն այս աշխատանքը, ազգայնական սկզբունքը այլ ևս գոյութիւն չի ունենալ աշխարհում, ուստի նրանք ստիպուած կլինեն դարձեալ ձգելու, թօթափելու իրենց ազգայնութիւնը, առանց որ և է օգուտ քաղած լինելու նրանից, որպէս այդ տիրն Ֆրանսիացիները կամ անգլիացիները:



Շունը, որին բերանկապ են հագցնում, հաշում է իւր յետոյքով: Շուն, ուր որ մուրը մտածողութիւնը աւելի գէշ հոտով է արտայայտում— արտայայտութեան կեղծութեան միջոցով:

Ես միշտ կեօնի տաճարի վրա նայել եմ, որպէս խաղալիքի վրա. ես մտածում էի. այնպիսի հսկայ—երեխային, որպիսին գերմանական ազգն է, պէտք է և այնպիսի հսկայական խաղալիք, որպէս կեօնի տաճարն է: Բայց այժմ ես ուրիշ կերպ եմ մտածում: Այժմ ես այլևս չեմ կարծում, որ գերմանական ազգը հսկայ-երեխայ է. յամենայն դէպս նա արդէն մանուկ չէ, այլ հասակն առած երիտասարդ, որ շատ բնական ունակութիւններ, ձիրքեր ունի, բայց որից ոչ մի կանոնաւոր, կարգին բան դուրս չի գալ, եթէ նա լրջօրէն չօգտուի ներկայից և ապագան աչքի առաջ չունենայ: Մենք այլ ևս ժամանակ չունենք խաղալու կամ անցեալի երազները իրագործելու:

Քաղաքական հողմացոյցեր: Նրանք երդւեցնում են փոթորիկները և վստահ են իրանց շարժունութեան կենդանութեան վրա—նրանք մոռանում են, որ այդ իրանց շարժունութիւնը բնաւ չի օգնիլ նրանց, երբ խիստ փոթորիկը կը

կործանի աշտարակը, որի վրա նրանք կանգնած են:

Երբ ես խօսում եմ ամբոխի մասին, ես նրանից դուրս եմ համարում առաջինը նրանց, որոնց անունները նշանակուած են հասցէների գրքում, երկրորդ՝ նրանց, որոնք այնտեղ չեն յիշուած:

Երիտասարդ խոզերի հովիւը ցանկանում է, որպէս հարուստ մարդ, իւր հօտը պահպանել ձիան վրանստած... Մեր բանկիրները (սեղանաւորները) նստած են բարձր ձիերի վրայ և տակաւին շարունակում են իրանց հին կեղտոտ արհեստով զբաղուել:

Նոր քաղաքացիական հասարակութիւնը երկրաւոր վայելքների և զուարճութիւնների արբեցութեան մէջ, ցանկանում է, որքան կարելի է շուտով, դատարկել վերջին դաւաթը, որպէս հին ազնուական հասարակութիւնը 1789 թուականից առաջ... Եւ նա արդէն լսում է միջանցքում նոր աստուածների մարմարեայ քայլերը, որոնք առանց դուռը բաղխելու տօների, խրախճանների դահլիճը կմտնեն և բոլոր սեղանները վայր կձգեն, կջարդեն:

*** չէ սիրում հրէաներին: Իմ հարցին այդ բանի պատճառի մասին՝ նա պատասխանեց. «Նրանք վատ են առանց շնորհալիութեան, զրգւանք են ներշնչում դէպի վատութիւնը և ինձ են աւելի շատ վնասում քան օգուտ բերում»:

Բոտչիլըը նոյնպէս կարող կլինէր մի Վալհալլա շինել—Պանթէօն բոլոր թագաւորների համար, որոնք նրանից դրամ են փոխ վերցրել:

Բոտչիլըի թշնամիների գլխաւոր բանակը կազմում են նրանք, որոնք ոչինչ չունին. նորանք ամենքը մտածում են. ինչ որ չունենք մենք, ունի Բոտչիլըը: Դրանց միանում են գլխաւորապէս և այնպիսի մարդիկ, որոնք կորցնում են իւրեանց կայքը, կարողութիւնը. փոխանակ այդ կորուստը իւրեանց յիմարութեան վերագրելու, նրանք մեղքը բարդում են նրանց նենգամտութեան վերայ, որոնք գիտեն իրանց կայքը, կարողութիւնը պահպանել: Այնպէս որ իւրաքանչիւր ոք, ով դրամ չունի այլ ևս, Բոտչիլըի թշնամին կը դառնայ անպատճառ:

Համայնավարականը, կօմունիստը, որ ցանկանում է Բոտչիլըի հետ բաժանել նորա երեք հարիւր միլիոնները, Բոտչիլըը զրկում է նրան

իւր մասը, 9 սու (մօտ 20 կոպ.): «Դեհ, այժմ ինձ հանգիստ թող»:

Կոմունիստները (համայնավարականները) զարմանալի արհամարհանքով են վերաբերում դէպի հայրենասիրութիւնը, փառքը և պատերազմը:

Գէր կովերին հետևում են նիհարները, նիհարներից յետոյ գալիս է մսի բացակայութիւն:

Վես ցանկանում եմ մարգարէանալ. մի օր ձմեռը դուք կտեսնէք յեղափոխութիւն, որ աւելի սարսափելի կլինի, քան մինչև այժմ եղածները: Երբ արիւնը կհոսի ձիւնի մէջ...:

Ժողովրդի յորձանքը ալեկոծ ծովի է նման. նրա վերայ անցնող ամպերը, նրան միայն գոյն են տալիս և ձերմակ ալիքներ (Միւլլեր և Բրաուէր) նրանց մէջ են լողում—գրողները իրանց խօսքով ներկում, գոյն են տալիս գոյութիւն ունեցող խռովեալ, ապստամբ տարրերին:

Մտքերի ասսօցիացիան (ընկերակցութիւնը) այն մտքով, որպէս ընկերակցութիւն արդիւնագործութեան մէջ, օրինակ, փիլիսոփայական դադափարների կապակցութիւնը, միութիւնը քաղա-

քական-տնտեսական գաղափարների հետ, հրաշալի նոր արդիւնքներ կտար:

Հին առակը երեք եղբայրների մասին իրականանում է: Մէկը հարիւր մղոն է վազում մի քանի ժամերի ընթացքում, միւսը հարիւր մղոն առաջ, հեռու է տեսնում, երրորդը նոյնպէս հեռու արձակում է (Թնդանօթ), չորրորդը փչելով զօրքեր է ջնջում—երկաթուղի, հեռադիտակ, Թնդանօթներ, վառօդ կամ մամուլ:

Համաձայնութեան հրապարակը (Պարիզում): Ես կցանկայի իմանալ, եթէ նոյն այդ տեղում ցանէին, արդեօք ցորեն կբուսնէր:

Գրեվի և Լուդովիկոս XV-ի հրապարակների վերայ կատարուած բազմաթիւ գլխատումները argumentum ad hominem (ապացոյց մարդկանց համար) էին. իւրաքանչիւր ոք այստեղ կարող էր տեսնել, որ ազնուականի արիւնը աւելի գեղեցիկ չէր քան ամեն մի քաղաքացու արիւն: Խելքը կորցրած քաղաքացին՝ բուրժուան իւրաքանչիւր գլխատման ներկայ է լինում, որպէս մի գործնական փորձի իրէպակասն թէօրիան ապացուցանելու համար:

Տեսիլք: Լուդովիկոս XVI (ԺԶ)-ի հրապարակը: Մի դիակ, նորա մօտ է գլուխը: Բժիշկը փորձեր է անում, արդեօք չի կարելի դարձեալ

նրանց կպցնել, միացնել. գլուխը շարժելով, ասում է. «Անհնարին է» և հառաչելով հեռանում է...: Պալատականները փորձում, աշխատում են խելագար գլուխը ամուր կապել, բայց նա միշտ ընկնում է...

(Երբ մի թագաւոր կորցրել է իւր գլուխը, այլ ևս ոչինչ բանով չի կարելի նրան օգնել:

Խելագարը չի ցանկանում Տիւլերի զբօսնելու գնալ. թէև նա ծառերը տեսնում է գեղեցկօրէն կանաչ, բայց նրա արմատները գետնի մէջ արեան պէս կարմիր:

Որքան մարդիկ աւելի մօտ էին Նապօլէօնին, նոյնքան աւելի նրանք սքանչանում էին նորա վերայ: Ուրիշ հերոսների հետ հակառակն է պատահում:

Նապօլէօնը ատում է մանր խանութպաններին և փաստաբաններին, նա սորանց գնդակահար է անում և նորանց փաստաբաններին տաճարից վճռում է: Նորանք հնազանդուում են, բայց ատում են նորան (նորանք կարծում են, որ յեղափոխութիւն կատարեցին իւրեանց համար, իսկ Նապօլէօնը նրանից օգտուում է իւր և ժողովրդի համար): Հին բեժիմի վերահաստատութիւնը նորանց սրտին խիստ մօտ է:

Կայսրը երկաթի նման ողջախոն էր: Նորաթշնամիները—ամպամած ուրուականներ են, որոնք զիշերները պարում են Վանդոմի սիւնի շուրջը և կծում այն:

Նորանք հայնոյում են նորան, սակայն այնուևամենայնիւ, միշտ որոշ յարգանքով—մինչդեռ նրանք աջ ձեռքով նորա վերայ ցեխ են շարտում, ձախ ձեռքում բռնած են գլխարկը:

Code Napoléon ի (Նապոլէօնի օրինագրքեր) կազմողները, բարեբաղդաբար, յեղափոխութեան ժամանակ են ապրել, երբ նրանք կարող էին զգալ բոլոր կրքերը և կեանքի բարձրագոյն խնդիրները:

Մի ազգ չի կարող վերածնուել, երբ նորա կառավարութիւնը բարձր, բարոյական ոյժ ցոյց չէ տալիս: Այդ ոյժն է վերածնում: Ահա ինչու Նապոլէօնի տասնևհինգամեայ կառավարութիւնը անհրաժեշտ էր. նա բուժում էր հիւանդ ազգը հրով և երկաթով, նորա թագաւորութեան ժամանակը բժշկութեան շրջան էր: Նա Փրանսիացիների Մովսէսն էր: Ինչպէս նա՝ Մովսէսը իւր ժողովուրդը անապատի միջով էր տանում նորան այս կերպով բժշկելու համար, նոյնպէս և Նապոլէօնը Փրանսիացիներին

առաջնորդում էր ամբողջ Եւրոպան անցնելիս: Այդ կառավարութեան որպէս ընդդիմադիր կանգնած էր փտածների կուսակցութիւնը, և նրան պատկանում էր տիկին Ստալ: Նորա շրջանը (ընկերութիւնը) խելացի սրամիտ, սիրալիր է—բայց փտած. Տալէյրան, փտութեան աւագը, ստի նեստորը, երկու դարերի ուխտադրուժը: Ապա Շատոբրիանը—մենք յարգում, մենք սիրում ենք նորան, բայց նա, մեծ անհետևողականը անմահ դիւրախաբ մարդը բանաստեղծ, ուխտաւոր Յորդանանի ջրի մի շիշով, թափառող էլէգիա (եղերգ), անդրգերեզմանական միտք բայց ոչ մարդ: Նորա միւս բարեկամները արիստոկրատական արուարձանի մի քանի ազնուականներ, ասպետական ստուերներ, սիրալիր մարդիկ, բայց հիւանդ, տառապողներ, անզօրներ: Բենժամէն Կոնստան լաւագոյնն էր նոցա մէջ, բայց նա ևս մահուան մահճի մէջ տակաւին դրամ էր առնում Լուզովիկոս Փիլիպպոսից:

Պօցցօ դի Բօրգօն և Շտայն մաքուր հերոսներ են, մէկը ուրացող, որ երկու բուբուլ համար վաճառեց իւր հայրենիքը, իւր ընկերներին և իւր սեպհական սիրտը, միւսը բարձրաքիթ (քիթը վեր քաշող, հպարտ) ազնուական է, որ հայրենասիրութեան թիկնոցի տակ ծածկում էր անցեալի զինանշան կրող հագուստը՝ դաւաճանութիւն և առելութիւն:

Յայտնի չէ ինչու մեր գերմանական թագաւորները այդքան երկար են ապրում. նրանք վախենում են մեռնել, նրանք վախենում են դարձեալ միւս աշխարհում Նապոլէօնին հանդիպել:

Ինչեր չենք տեսնում մեր՝ ամեն տեսակ հրաշքներով լի ժամանակում: Բուրբօնները անգամ նուաճողներ, տիրողներ են դառնում:

Պարիզի ժողովուրդը աշխարհը փրկեց և դորա համար մի գրոշ անգամ թէյի փող (На чай, Trinkgeld) չառաւ:

Այն, Պարիզը նորէն ձեռք բերեց մեծագոյն փառքը: Բայց աստուածները մարդկանց մեծութեան նախանձելով, աշխատում են նորանց ճնշել, ստորացնում են, օրինակի համար, ողորմելի անցքերով:

Մամուլը նման է յայտնի առասպելական ծառին. եթէ դուք կուտէք նորա պտուղները, կհիւանդանաք, իսկ եթէ տերևները կուտէք, կառողջանաք, այդ հիւանդութիւնից կբուժուիք, և ընդհակառակն: Միևնոյն բանը կարելի է ասել օրինաւորական (թագաւորական) և հանրապե-

տական թերթերի ընթերցանութեան մասին Ֆրանսիայում:

Որպէս Հոմերոսի հերոսները ճակատամարդի դաշտի վերայ փոխանակում էին իրենց զէնքերը, նոյնպէս ժամանակակից ազգերը փոխանակեցին այնտեղ իրենց կաշին. Ֆրանսիացիները հագան մեր՝ արջինը, մենք նորանց՝ կապկի կաշին: Եւ ահա նորանք (Ֆրանսիացիները) դանդաղօրէն և ծանր կերպով են շարժւում, իսկ մենք արագ մագլցում ենք ծառերի վերայ: Նրանք մեզ յանդիմանում են որպէս վօլտերեաններին. — հանգիստ եղէք, մենք միայն ձեր կաշուի մէջ ենք, իսկ մեր սրտերով նոյն արջերն ենք:

Հաֆայէտտ, Աշխարհը զարմանում է, որ մի անգամ նորա մէջ ազնիւ մարդ հանդէս եկաւ, ապրեց—և նորա տեղը պարապ (ազատ) է: Անգղիացին, որ ամենուրեք վան—Ամբուրգին հետևում է, նորա ետևից ամբողջ աշխարհում թափառում է, նրա բոլոր ներկայացումներին ներկայ է լինում, համոզուած, որ առիւծը վերջի վերջոյ պիտի նորան պատառէ, և անպատճառ ցանկանում է տեսնել այդ տեսարանը, նման է այն պատմաբանին, որ Պարիզում ապրելով սպասում է, երբ Ֆրանսիական ժողովուրդը վերջապէս պիտի պատառէ Լուդովիկոս Փի-

լիպպոսին, իսկ առ այժմ ամենայն օր դիտում է այդ առիւծին:

Եթէ թագաւորները համար Մոնթիօնի պրէմիան (մրցանակ, Prix Monthyon) հաստատուէր, Լուդովիկոս Փիլիպպոսը լաւագոյն թեկնածուն կլինէր այդ բանի համար: Նորա օրով, թագաւորութեան ժամանակ երջանկութիւն և ազատութիւն էին թագաւորում. նա ազատութեան իվետոյի թագաւորն *) էր:

Երկաթուղիները յանկարծական փոփոխութիւններ են առաջ բերում երկրի և մարդկանց նիւթական և տնտեսական վիճակի մէջ: Այդ բանը Ֆրանսիայում աւելի վտանգաւոր է քան Գերմանիայում: Ահա ինչու Ֆրանսիական կառավարութիւնը, երկչոտ կերպով է երկաթուղիների շինութեան ձեռնարկում:

Գիզօն անգլիացի չէ, այլ շօտլանդացի. նա պարզակրօն է, բայց միայն իւր համար, որովհետև նորա բնութիւնը այսպէս է: Եւ որովհետև նա իւր բնութեան ամենից հակառակ բնութիւնները հասկանում է, նա համբերող է նոյն իսկ թեթևամտութեան դիմաց:

*) իվետօ թագաւորութիւնը ժողովրդական զարձակեանքէի «Le roi d'yvetot» երգի շնորհիւ:

Նորա ամենից նշանաւոր յատկութիւնն է հպարտութիւնը: Երբ նա երկինք կգնայ սիրելի Աստուծոյ մօտ, Նրան՝ աստուծուն շնորհակալութիւն կմատուցանի այն մասին, որ նա նորան այդպէս լաւ է ստեղծել:

Վճը մարդը ինքն է—նոյնպէս և կլինը: Տիկին՝ Ստալի անճշտութիւնն է: Անճիշտ մտքերի և ճարտարախօսութեան ծաղիկների մի ամբողջ շարք, որոնք գարշահոտ գոլորշիների են նմանում: Նա փառաբանում է Վելլինգտօնին՝ այդ կաշեայ հեռոսին փայտէ սրտով և թղթէ տկար ուղեղով:

Տիկին Ստալ շվէյցարացի էր: Շվէյցարացիք տոգորուած են իրանց լեռների պէս բարձր և վսեմ զգացմունքներով, սակայն նրանց հայեացքները հասարակութեան վերայ այնքան նեղ են, որքան և նորանց ձորերը:

Նորա վերաբերմունքը դէպի Նապոլէօնը. նա ցանկանում էր տալ կայսրինը՝ կայսեր. բայց երբ Նապոլէօնը չցանկացաւ վերցնել նրանից այն, ինչ որ կայսրինն էր, նա սկսեց պարսաւել, խայտառակել նորան և Աստուծուն՝ կրկնակի բաժին տուաւ:

Տիկին Ստալը սրամտութիւնից զուրկ էր և յիմարութիւն ունեցաւ Նապոլէօնին ծիան վրայ նստած Բոբեսպիեր անուանելու: Բոբեսպիերը ներգործական Բուսսօն էր միայն, իսկ

տիկին Ստալ կրաւորական Բուսսօն էր և աւելի շուտ նորան կարելի կլինէր կոչել Բոբեսպիեր շրջագգեստի մէջ:

Ամեն տեղ նա խօսում է կրօնի և բարոյականութեան մասին, սակայն ոչ մի տեղ չէ բացատրում ինչ է նա հասկանում դրանց տակ:

Նա պատմում է մեր ազնուութեան, մեր առաքինութեան և մեր մտաւոր զարգացման մասին. նա չէ տեսել մեր բանտերը, մեր հասարակաց տները, անառականոցները և մեր զօրանոցները. նա չէ տեսել մեր զրավաճառներին, մեր կլաուրեններին, մեր սպաներին, լէյտենանտներին:

Փրանսիական բոլոր լրագրները կուսակցութեան կատարելապէս յայտնի գոյն ունին. նրանք ոչ մի յօդուած չեն ընդունիլ, որ օրուայ խրնդիրներով և շահերով չէ զբաղում, այսպէս կոչուած, այժմէութիւններ:— Գերմանիայում դրա ճիշտ հակառակն է լինում, և եթէ ես երբեմն պէտք է ծիծաղեմ այն բանի վրայ, որ գերմանական թերթերը այնպէս հիմնաւոր կերպով են խօսում, դատում բազմաթիւ առարկաների մասին, որոնք ոչ մի կապ և յարաբերութիւն չունին երկրի ժամանակակից շահերի և հարցերի հետ, օրինակ, չինական և հնդկական կուլտուրայի խնդիրներ, սակայն, այնուամենայնիւ,

նայնիւ, ես ուրախանում եմ գերմանական մամուլի այդ համաշխարհաքաղաքացիութեան վրայ, որ հետաքրքրում է ամենից բազմազան կարիքներով և պահանջներով, որոնք գոյութիւն ունին այս աշխարհիս վերայ և այնպէս հիւրասիրաբար ընդունում է բոլոր հանրամարդկային դատողութիւնները, զրոյցները:

—
Հասարակապետութեան օգտին բարեաց համար կարելի կլինէր նոյն ապացոյցը առաջ բերել, ինչ որ Բոկկաչիօն կրօնի համար է մէջ բերում. նա գոյութիւն ունի, չնայած իւր պաշտօնեաների գոյութեան:

—
Հասարակապետութեան բարձրագոյն պաշտօնեաների գաղտնի ատելութիւնը դէպի հասարակապետութիւնը նմանում է ազնուատոհմիկ հռովմայեցիների գաղտնի ատելութեան, որոնք որպէս եպիսկոպոսներ և առաջնորդներ պէտք է շարունակէին իւրեանց նախկին իշխանութիւնը, պաշտօնները:

—
Փրանսիացիները հասարակական և մասնաւոր յարաբերութիւնների մէջ աւելի արժանի են վստահութեան քան գերմանացիները, որովհետև նրանք դրական մարդիկ են, և ցնորքներից զուրկ. միշտ երազող գերմանացին յանկարծ

մի գեղեցիկ առաւօտ մի այնպիսի բարկացած, խոժոռ դէմք ցոյց կտայ, որովհետև նա երագել է, որ դուք նորան վիրաւորել էք կամ թէ ձեր պապը նորա պապին մի ժամանակ աքցացիով զարկել է:

Փրանսիացիները այնքան հակառակ են ամեն տեսակ երագներին և ցնորքներին, որ երբէք նրանց մարդ երագում չէ տեսնում, բայց միայն գերմանացիներին:

Գերմանացիները արտասահմանում՝ արտահանուած գարեջրից բնաւ լաւ չեն:

Այստեղ, Պարիզում ապրող փոքրիկ մարգարէների մէջ սակաւ են գերմանացիները—նրանց մեծ մասը Փրանսիա են գալիս ցոյց տալու համար, որ նրանք արտասահմանումն էլ մարգարէներ չեն:

Երիտասարդ օրիորդը ասաց. «Այդ պարոնը պէտք է որ շատ հարուստ լինի, որովհետև նա խիստ տգեղ է, հրէշային է»: Հասարակութիւնը ճիշտ այդպէս է դատում. «Այդ մարդը պէտք է որ խիստ ուսումնական լինի, որովհետև նա խիստ ձանձրացնող է, տխրութիւն պատճառող»: Դորա

մէջ է պարունակվում շատ գերմանացիների աջողութիւնը Պարիզում:

Ինձ թւում է, որ գերմանացիները միսսիան՝ առաքելութիւնը Պարիզում նորա մէջ է կայանում որ ինձ պահպանեն հայրենեաց կարօտից:

Որպէս չինական ստուերների խաղի մէջ Պարիզով գնացող գերմանացիները անցնում են մօտովս. ոչ մէկը որոշ կերպարանք չէ ընդունում:

Վտանգաւոր գերմանացիներ. յանկարծ նրանք հանում են գրպանից մի բանաստեղծութիւն կամ խօսակցութիւն են սկսում փրիխտփայութեան մասին:

Գերմանական եւ Ֆրանսիական կանայք:

Գերմանական վառարանները աւելի լաւ են տաքացնում քան Ֆրանսիական վառարանները, բայց սրանք՝ Ֆրանսիական վառարանները աւելի հաճելի են, որովհետև նրանց մէջ դուք տեսնում էք փայլուն կերպով վառուող բոցը. ուրախ տեսարան է, բայց միևնոյն ժամանակ ձեր մէջքով ցուրտ սարսուռ է անցնում... Գերմանա-

կան վառարան, որպէս հաւատարմօրէն և առանց փայլելու սաքացնում ես դու:

Ֆրանսիայի և Ռուսաստանի մէջ դաշնակցութիւնը, երկու երկրների մերձաւոր նմանութեան շնորհիւ, բնաւ մի անբնական բան չէր լինիլ: Երկու երկրների մէջ ևս յեղափոխութեան ոգին է թագաւորում. այստեղ՝ Ֆրանսիայում ժողովրդի, մասսայի մէջ, այնտեղ՝ Ռուսաստանում մի անձնաւորութեան մէջ. այստեղ հանրապետական, այնտեղ բացարձակ միապետական ձևերի մէջ, այստեղ անսահման ազատութիւնը, այնտեղ քաղաքակրթութիւնը աչքի առաջ ունենալով. այստեղ գաղափարական սկզբունքներին, պրինցիպներին, այնտեղ՝ գործնական անհրաժեշտութեան ծառայելով. սակայն և՛ այստեղ և՛ այնտեղ յեղափոխականի պէս գործելով անցեալի դէմ, որ նրանք՝ և՛ ռուսները և՛ ֆրանսիացիները, արհամարհում, ատում են անգամ...

Մկրատը, որը կտրում, խուզում է հրէաների մօրուքը Լեհաստանում, նոյնն է, որով Պարիզի բանտում, Լուզովիկոս կապետի մազերը խուզուեցան, այդ յեղափոխութեան մկրատն է, նորա գրաքննչի մկրատն է, որով նա ոչ միայն առանձին նախադասութիւններ կամ յօդաւածներ, այլ ամբողջ մարդուն, ամբողջ հասա-

րակութիւններ կամ յօդուածներ, այլ ամբողջ հասարակութիւններ, ամբողջ ազգեր անգամ կտրում է կեանքի գրքից:

Նիկողայոս ռուսաց կայսրը Ֆրանսիայի դէմ էր, որովհետև սա իւր պրօպագանդայով վտանգաւոր էր նորա կառավարութեան եղանակին, ձևին՝ բացարձակ միապետութեան, բայց ոչ նորա կառավարչական սկզբունքներին. Լուզովիկոս Փիլիպպոսի մէջ նորան դուր չէր գալիս բուրժուազական սահմանափակ արքայական իշխանութիւնը, որ նորան ճշմարիտ բուն թագաւորական մեծութեան ծաղր, պարօղիա էր թւում, բայց այդ անախորժութիւնը. դժկամակութիւնը պատերազմի դէպքերում տեղի են տալիս անհրաժեշտութեան առաջ, որ նորա համար բարձրագոյն օրէնք է— թագաւորները միշտ հնազանդվում են նորան և դրա հետ միասին յաճախ նրանք ստիպուած գոհում են իրանց անձնական համակրութիւնները: Դորա մէջ է նոցա զօրութիւնը, ուստի նոքա միշտ զօրեղ են և եթէ մէկը թոյլ է, շուտով նա մեռնում է ընտանիքի հիւանդութեամբ և տեղ է անում աւելի զօրեղին:

Իրաւացի է դիտել Կիւստինը նրանց անտարբերութիւնը դէպի անցեալը, դէպի հնութիւնը: Նոյնպէս ճիշտ կերպով է նա դիտել մարդկանց մէջ ծաղրաբանութեան, ծաղրելու

գիծը. այդ գոյութիւնն ունի և թագաւորի մէջ,
որ իւր բարձրութիւնից տեսնում է մանր գոր-
ծերի և մեծագոյ Ֆրագները միջև եղած հակա-
սութիւնը, և իւր վիթխարի զօրութեան գիտակ-
ցութեան մէջ նա մինչև հոգու խորքը ատում
էր ամեն տեսակ անիմաստ շատախօսութիւն:
Մարկիզը այդ բանը չհասկացաւ:

Որքան ողորմելի պէտք է երևան նորան
ասպետական լեհերը՝ այդ միջնադարեան դիակ-
ները ժամանակակից ֆրագները բերաններում,
որոնց նոքա չեն հասկանում:

Նա ցանկանում է նրանց ուռններ դարձ-
նել, ինչ որ կենդանի բան. նմանապէս նա ցան-
կանում է կենդանացնել մումիաները՝ հրէանե-
րին. և ուռս հասարակ ժողովուրդը ի՞նչ է, եթէ
ոչ երկոտանի անասուններ, որոնցից նա ժողո-
վուրդ է պատրաստում մտրակի շնորհիւ: Նորա
ցանկութիւնները, նորա դիտաւորութիւնները
ազնիւ են, թէև գործ դրած միջոցները միշտ
սարսափելի են:

Ռուսաստանում ձգտում է երևում, հեղի-
նակութեան միութիւնը քաղաքական, ազգային
և մինչև անգամ կրօնական հաւասարութեան
միջոցով զօրեղացնելու: Հեղինակութիւնը բարձ-
րագոյն իմացականութեան հետ միասին գործում

է ինքն իւր դէմ սարսափելի կերպով. իւրա-
քանչիւր թուութիւն իրենից անջատելով, վանե-
լով. Պետրոս III մեռնում է, Պողոսը մեռնում է,
Կօնստանտինը հրաժարվում է և հռչակաւոր
թագաւորների մի կարգ հանդէս է գալիս Պետ-
րոս I-ից սկսած, օրինակի համար, Եկատերինէ
II Աղէքսանդր, Նիկողայոս: Յեղափոխութիւնը
այստեղ թագ է կրում և ինքն իւր դէմ այնքան
անողոք է, ինչպէս միայն մի ժամանակ հասարա-
կական փրկութեան կօմիտէն կարող էր լինել:

Նիկողայոս կայսրը, այսպէս ասած աշ-
խարհի բացարձակ իշխանն է: Նա կատարեալ
անտարբերութիւն է ցոյց տալիս, անցեալի, հնի,
պատմականի դիմաց:

Ռուսները կողմից խիստ դաժան բան էր
լեհական հրէաներից նրանց բաճկոնները խլե-
լը—նրանք պէտք չունէին այդ զգեստի տակ
շապիկ հագնելու, հենց այդպէս էլ խիստ յար-
մար էր նրանց համար իւրեանց մարմինները
քորելը... և նոյնպէս մօրուքները,— որ գլխաւոր
բանն էր. այդ մօրուքները նրանց ամբողջապէս
ծածկում էին: Եւ խոպոպիքները, նրանց համար
սրբազան խոպոպիքները, նրանց միակ պար-
ծանքը:

Մենք պէտք է ներկայումս յենուենք, վստահենք Ռուսաստանի վրայ, այն իսկ փայտի վերայ, որ երբեմն մեզ ծեծել է:

Գերմանական լեզուն—զուտ գրական լեզուն, գրողների արտադրութիւնն է, որ էժան գնով՝ վաճառվում է Լայպցիգի տօնավաճառում:

Ոչ մի լեզուով բացի գերմանականից, բնութիւնը չէր կարող բանալ իւր գաղանիքը:

Փառաբանենք Ֆրանսիացիներին, նրանք ստեղծեցին մարդկութեան երկու գլխաւոր պահանջների բւարարութիւնը—լաւ ուտելու և քաղաքացիական հաւասարութեան: Գաստրօնօմիայում և ազատութեան մէջ Ֆրանսիացիները ամենամեծ առաջադիմութիւնը արին:

Ֆրանսիական ազգը նման է կատուին, որ որտեղից էլ ընկնելու լինի, մնում է ողջ, և նորից ոտքի է կանգնում:

Ֆրանսիացիք կարող են հասկանալ արևը, բայց լուսինը հասկանալու անկարող են, ինչպէս և երանական հառաչանքները ու սոխակի ձայնի մեղամաղձիկ հիասքանչ ելևէջները:

Մեծ Ֆրանսիան, շատախօս ֆրանսիացիները աղմկալից, եռուն ու շարժուն երկիրը, երբէք փիլիսոփայութեան համար նպաստաւոր հող չէ ներկայացրել:

Ֆրանսիական անմտութիւնը այնքան էլ խիստ անմիտ չէ, որպէս գերմանականը, որովհետև վերջինի մէջ, ինչպէս Պօլոնիոսն է ասում, մեթոդ կայ:

Սրամիտ ֆրանսիացին—այդ աւելաբանութիւն է:

Հանրապետութիւնը երկար ժամանակ չի կարող տևել Ֆրանսիայում պչրողութեան, հաճոյամոլութեան և ունայնասիրութեան հայրենիքում:

Ֆրանսիան—այդ Պարիզն է: Ի՛նչ է մտածում գաւառը-այնքան է կարևոր, որքան այն, ինչ են մտածում մեր ոտերը:

Երբ Աստուած երկնքում ձանձրոյթից տրխրում է, նա բաց է անում պատուհանը և նայում է Պարիզի զբօսավայրերի, բուլվարների վրա:

Փառքը Պարիզում ձեռք բերել կարելի է միայն կանանց միջոցով:

Պարիզը երիտասարդին հիանալի ժպտում է, տարիքոս մարդուն զօրեղ կերպով ոգևորում է, իսկ ծերունուն սփոփում:

Գերմանացիների առաքելութիւնը Պարիզում—զգալ չտալ ինձ հայրենիքի անձուկը:

Պարիզում բնակող փոքրիկ մարգարէների մէջ քիչ են գերմանացիներ. շատերը, մեծ մասը սրանցից գալիս են Ֆրանսիա ապացուցանելու համար, որ նրանք օտար երկրում էլ մարգարէներ չեն:

Ամենայիմար անգլիացին քաղաքականութեան մասին ձեզ խելացի բան կասի. սակայն նրանցից ամենախելացին կրօնի մասին միայն յիմար բան կասի:

Անգլիացիները աւելի շատ կարծիքներ ունեն քան մտքեր: Մենք գերմանացիներս, ընդհակառակն, այնքան շատ մտքեր ունենք, որ չենք հասնում սեպհական կարծիք կազմելու:

Անգլիացիները արտահանում են, դուրս են շնչում իրենցից մի յայտնի գազ, ձանձրոյթի ածխածին:

Անգլիական լեզուն.—այդ եսասիրութեան շղացող հնչիւն է:

Անգլիացիները բերան են առնում մի դիւժին միավանկ բառեր. ծամում ծամծամում են նրանց, դուրս են թքում, և այդ կոչվում անգլիական լեզու:

—Անգլուհիք պարում են, կարծես էշերի վրա նստած լինին:

—Եթէ Եւրոպան աշխարհի գլուխն է, Իտալիան էլ նրա ելունդն է:

Զուլիցարացիների զգացմունքները բարձր են, որպէս նրանց լեռները, բայց նրանց հայեացքները նեղ են, որպէս նրանց ձորերը:

Ամերիկան—այդ ազատութեան բանտն է, ուր ամենուրեք անտեսանելի շղթաներ են, ուր թագաւորում է բռնակալներից ամենազոռելին— լուժանը: Ես սիրում էի Ամերիկան, երբ չէի ձանաչում նրան:

Արաբը սուր բառի գաղափարի համար հազար արտայայտութիւն ունի, Ֆրանսիացին սիրոյ համար, անգլիացին կախաղանի համար, գերմանացին խմիչքի համար, իսկ միւլխէնցին նոյն իսկ այն տեղերի համար, որտեղ նա խումում է:

Ֆրանսիացին քաջ է, երբ ներկայ է որևէ

հեղինակը

11-13

հանդիսատես: Գերմանացին քաջ է առանց յետին մտքերի, նա կովում է կոուելու համար, ինչպէս խմում է խմելու համար:

— Եթէ այժմ գոյութիւն չունենային հրէաներ, և յանկարծ իմանային, որ մի ինչ որ տեղում գտնվում է մէկ օրինակ, մարդիկ կգնային հարիւրաւոր վերատ հետու նրա ձեռքերը սեղմելու համար: Իսկ այժմ մեզնից խուսափում են: Նոր հրէաները վրասում են հներին: Հները բարձր են յոյներից և հռովմայեցիներից:

— Հրէաների ժամանակակից պատմութիւնը ողբերգական է: Իսկ եթէ այդ ողբերգականի մասին գրելու լինէք, ձեզ վրա կծիծաղեն. հէնց այդ էլ ամենից ողբերգական բանն է:

— Հրէաները շինուած են այն խմորից, որից շինում են աստուածներին:

— Հրէաները—արևելքի գերմանացիներն են. հրէաները և գերմանացիները մի ընդհանուր բարոյական սկզբունք ունին:

— Աստուածաշունչը—այդ հրէաների գըրուած հայրենիքն է:

† — Տարօրինակ բան. ամբողջ կեանքումս թափառելով փիլիսոփայութեան պարերի դահլիճներում, վերապրելով ոգու բոլոր օրգիաները, խրախճանքները, և ոչ մի տեղ բաւարարութիւն չգտնելով, ես յանկարծակի գտայ ինձ Աստուածաշնչի հողի վրա և նրա մէջ գտայ փրկութեան

աղբիւրը, ծունկ չոքելով, աչքերս երկինք յառած աղօթեցի:

— Յորի գիրքը—երկբայողութեան—սկեպտիցիզմի երգ երգոցն է:

ԿՐՕՆ ԵՒ ՓԻԼԻՍՈՓԱՅՈՒԹԻԻՆ

Գերմանացիք ընդունեցին քրիստոնէութիւնը հրէական բարոյականութեան սկզբունքի առհասարակ հրէութեան հետ հոգևոր նմանութիւն ունենալու պատճառով: Հրէաները արևելքի գերմաններն էին և այժմ բողոքականները Ամերիկայում գերմանական երկրներում՝ Շոտլանդիայում, Գերմանիայում, Հոլլանդիայում, ոչ այլ ինչ են եթէ ոչ հին արևելեան հրէաներ:

Ատելութիւնը դէպի հրէաները ամենից առաջ սկսվում է ըմբռնութեան դարձումից ծագման հետ, դէպի միջին դարերը, կաթոլիկութիւնը, ազնուականութիւնը առաջ եկած սիրոյ և համակրութեան հետ, որ զօրացաւ գերմանամոլների շնորհիւ:

Յղէք կատարելապէս համբերող կամ բնաւ անհամբերող, գնացէք կամ բարի կամ չար ճանապարհով, իսկ անվճռական, երկչոտ կերպով մի քանի ճանապարհների վրա կանգնելու համար, դուք խիստ տկար էք: Ոչ մի չերկուլէս այդ չէր կարող անել և նա պէտք է իւր համար ընտրէր շուտով այս կամ այն ճանապարհը:

Մկրտութեան վկայականը ևրոպական կուլտուրայի համար մուտքի տոմսակ է:

Ես սիրում եմ նրանց՝ հրէաներին անձնապէս:

Երբ հրէաները լաւ մարդիկ են, նրանք քրիստոնեաներից լաւ են, իսկ եթէ վատ են՝ քրիստոնեաներից աւելի վատ են:

Հրէաները՝ այդ ուրուական-ազգը, որ առանց մի բայլ հեռանալու, հսկում, պահպանում էր իւր գանձը, Աստուածաշունչը: Զուր էր կախարդութիւնը—գերմանացիները ջնջեցին, ոչնչացրին այն:

Սրդեօք վերջացած է հրէաների առաքելութիւնը: Ես կարծում եմ, նա կվերջանայ, երբ կգայ աշխարհական Մեսսիան—արդիւնաբերու-

թիւնը, աշխատանքը, ուրախութիւնը: Աշխարհական Մեսսիան կգայ երկաթուղով, Միքայէլը կբանայ նորա ճանապարհը, վարդեր կցանուեն նորա ուղու վրա:

Գերմանիայում կան աստուածաբաններ, որոնք ձգտում են վերջ տալ Աստուծուն հաւատին առ Աստուած: Ոչոքից մարդ չէ մատնվում, բայց միայն իւրայիններից:

Հեթանոսութիւնը վերջանում է, մեռնում, երբ փիլիսոփաները աստուածներին որպէս առասպելներ են ապացուցանում: Քրիստոնէութիւնը նոյն կէտին է հասել, Շտրաուսը մեր ժամանակի Պորփիրն է:

Նրանք, որոնք այս աշխարհում խմել են ուրախութեանց բաժակը, այնտեղ վերևում երկնքում նեղութիւն և վշտեր կունենան:

Մարդկութեան յուսահատութեամբ լի վիճակը հռովմէական կայսրների ժամանակ նպաստեց քրիստոնէութեան տարածման: Հպարտ հռովմայեցիների անձնասպանութիւնները, որոնք միանգամից հրաժարվում էին կեանքից, այն ժամանակ խիստ յաճախ էին լինում:

Ով քաջութիւն չունէր միանգամից վերջ

տալ իւր կեանքին, նա դիմում էր դանդաղ յամր անձնասպանութեան անձնուրացութեան կրօնի միջոցով: Քրիստոսի շարչարանքը նոյնպէս մի տեսակ անձնասպանութիւն էր:

Ստրուկները և դժբաղդ ժողովուրդը առաջին քրիստոնէաներն էին. իւրեանց քանակութեան և նոր կրօնական ոգևորութեան, ֆանատիկոսութեան շնորհիւ, նրանք ոյժ դարձան, որ Կոնստանդիանոսը հասկացաւ և համաշխարհային տիրապետութեան հռովմէական ոգին շուտով տիրեց նորան և վարդապետութեան ու պաշտամունքի միջոցով բարեկարգեց այն:

Քրիստոնէութեան շատագովները հեթանոսութեան հետ մղած պայքարի ժամանակ պէտք է աւելի շուտ փիլիսոփաների ձեւատամարտի դաշտը ելնել համարձակուէին, մանաւանդ որ այն ժամանակ փիլիսոփաները Մարկոս Աւրելիոսից սկսած մինչև Յուլիանոսը գահի վրա էին նըստած: Բանակուի, պայքարի միջոցով մշակվում է վարդապետութիւնը:

Որքան շատ բան է արել արդէն Աստուած աշխարհի շարիքը բժշկելու համար: Մովսէսի ժամանակ նա հրաշք հրաշքի վերայ է գործել, ապա Քրիստոսի կերպարանքով նա իրան թոյլ տուաւ ձողկելու ու խաչելու անգամ. ի վեր-

Ղոյ Անֆանտէնի անձի մէջ նա ամենից վիթխարի բանը գործեց աշխարհը փրկելու համար. նա իրան ծիծաղելի դարձրեց—բայց իզո՛ւր: Ի վերջոյ գուցէ նա յուսահատութեան կամ խեղազարուժեան հասնի և իւր գլուխը ջարդի աշխարհի վրայ և նա ու աշխարհը կկործանուեն:

Փիլիսոփաները իրանց կռուի մէջ կրօնի դէմ խորտակեցին հեթանոսական կրօնը, բայց մի նորը, քրիստոնէականը առաջ եկաւ: Իորա բանն էլ շուտով լմնցաւ կատարուեց, սակայն, անտարակոյս, կգայ մի նորը, և փիլիսոփաները կրկին նոր աշխատանք կունենան, այնուամենայնիւ դարձեալ իզո՛ւր: Աշխարհը մեծ գոմ է, որ այնքան էլ դիւրին կերպով չէ կարող մաքրուել, որպէս Աւգիասի գոմը, որովհետև մինչդեռ նա մաքրվում աւելվում է, եզները մնում են մէջը և միշտ նոր աղբ են կուտակում:

Թաւար ժամանակներում ազգերը ամենից լաւ առաջնորդվում են կրօնի միջոցով, որպէս խիստ մութ գիշերին կոյրը մեր լաւագոյն ռահ-վիրան, ճանապարհ ցոյց տուողն է. նա ճանապարհը և շաւիղներն իսկ աւելի լաւ է ճանաչում, քան մի տեսնող: Սակայն յիմարութիւն է, երբ լոյս է, դարձեալ հին կոյրերին որպէս ճանապարհ ցոյց տուողներ վերցնել:

Նախկին կրօնների մէջ ժամանակի ոգին արտայայտվում էր մի քանի եզակի մարդկանց միջոցով և հրաշքի միջոցով հաստատվում էր: Ներկայ կրօնների մէջ ժամանակի ոգին շատ մարդկանց միջոցով է արտայայտվում և բանականութեան միջոցով հաստատվում: Այժմ այլ ևս ոչ մի հրաշք գոյութիւն չունի բնագիտութեան կազմակերպուելուց յետոյ. Օկէնը նայում է Աստուծու մատներին և Նա՛ Աստուած չի կամենում Բօսկօի հետ մրցել:

Պասմութեան մէջ արդեօք նոյնպէս գոյութիւն ունեն օր և գիշեր որպէս բնութեան մէջ: Քրիստոնէութեան երրորդ դարից սկսած տիրում է երեկոյեան մութը, նոր պղատոնեանների երեկոյեան տխուր, թախծալից վերջալոյսը, միջին դարերը թանձր խաւար, մութ գիշեր էին ներկայացնում, այժմ առաւօտեան արշալոյսն է ծագում—ողջունում եմ քեզ, Փերոս Ապողոսն: Որպիսի՛ երազներ, որպիսի՛ ուրուականներ, որպիսի՛ գիշերաշրջիկներ, որպիսի՛ փողոցային աղմուկ, կռիւներ և սպանութիւններ—ես այդ մասին յետոյ կպատմեմ:

Ես տեսնում եմ անցեալի հրաշքները բոլորովին պարզ կերպով: Մի վարագոյր է ձգուած ապագայի վերայ, բայց վարդագոյն, և նրա

միջից փայլում են ոսկէ կոթողներ և գոհարներ ու քաղցրալուր ձայներ են հնչում:

Կաթուղիկ գրողները լաւ գէնքեր ունեն, բայց նրանց գործածել չգիտեն: Չինացիներ իման, նրանք լաւ թնդանօթներ ունեն, նոյնպէս վառօդ և գնդակներ, բայց արձակել իմանալը՝ բոլորովին ուրիշ բան է: Նրանք երեխաներ են մեծ սրերով, որոնց նրանք չեն կարող բարձրացնել, սաղաւարտներով, որոնք նրանց գլուխները ծանր կերպով ճնշում են: Իսկ թնդանօթների հետ նրանք բոլորովին չեն կարող վարուել, գործ շինել:

Հռովմէական եկեղեցին հաւատ չէ ընծայում իւր ժամանակակից սէյիդներին, նա վախենում է, որ սա կամ նա իւր նախանձախնդիր համախոհներից, երբ և իցէ, նրա հողաթափը համբուրելու փոխարէն, կատաղի եռանդով նորա ոտը կկծէ:

Հռովմէական եկեղեցին մեռնում է այն հիւանդութիւնից, որից այս աշխարհում ոչ ոք չէ բուժւում՝ ժամանակի ոյժի շնորհիւ սպառումից: Իմաստուն, որպէս նա է, նա մերժում, հեռացնում է բոլոր բժիշկներին. նա իւր երկարատև կեանքի պրակտիկայի ընթացքում յաճախ շատ

ծերունիներ է տեսել, որոնք մեռել են աւելի վաղ և քան պէտք էր, միայն այն պատճառով, որ եռանդոտ և լաւ բժիշկներ ցանկացել են նրանց բժշկել: Սակայն նրա հոգևարքը տակաւին երկար կտևի: Նա մեզանից ամենքից էլ աւելի կապրի, այդ տողերը գրողից, գրաշարից, որ շարում է այդ յօդուածը, տպագրողից, նոյն իսկ փոքրիկ աշակերտից, որ բերում տանում է տպագրական թերթերը:

— Աստուած ոչինչ չէ ցոյց տուել, յայտարարել, որ անմահութիւնը հաստատէր. Մովսէսն այդ մասին նոյնպէս ոչինչ չի ասում: Գուցէ Աստուած բնաւ գոհ չէ, որ բարեպաշտ մարդիկ այդպէս զօրեղ կերպով հաւատում են անմահութեան: Իւր հայրական բարութեան մէջ գուցէ նա ցանկանում է մեզ պատրանք պատճառել:

Քրիստոնէութիւնը համարձակ քայլում է դէպի միսիթարութիւն. նրանք, որոնք այս կեանքում առատօրէն երջանկութիւն են վայելել, բախտի սիրելիներն են եղել, ապագայ կեանքում դորանից ստամոքսի խանգարում կունենան, անմարսութիւնից կփխսեն, — նրանք, որոնք շատ սակաւ են կերել այս կեանքում, ապագայում պատրաստի կգտնեն և կվայելեն ամենից լաւ, համագամ խորտիկներ. երկրաւոր, այս աշխարհի ծե-

ծերից մարմնի վրա մնացած բծերը, հետքերը հրեշտակները կ'ընջեն:

Հեթանոսութեան (հնդիկների, պարսիկների), տարբերութիւնը հրէութիւնից հետևեալն է. նրանք ամենքը՝ հեթանոսները, հաւատում են անսահման, յաւիտենական Նախէակին, սակայն նրանց մօտ այդ Նախէակը աշխարհումն է, գլտնվում, որի հետնա նոյնն է, և նա կազմվում, զարգանում է սորա հետ միասին անհրաժեշտութեան օրէնքից.—բայց հրէաների Աստուածը աշխարհից դուրս է, և այս աշխարհի ստեղծագործութիւնը Նորա ազատ կամքի գործողութիւնն է:

Հեթանոսութիւնը շնորհում և խստանում էր երկրաւոր բարիքներ, ուստի բազմաւոր մարդիկ, որոնք իւրեանց ցանկութիւնների իրագործութեան և իւրեանց ձեռնարկութիւնների աջողութեան մէջ խիստ գլթած աստուածների զէպի նրանց տածած սիրոյ և տրամադրութեան ապացոյց էին տեսնում, նրանց՝ աստուածների աւելի բարեպաշտ, երկիւղած երկրպագուներ էին սովորաբար, քան դժբաղդ մարդիկ:

Մի տաճար ղիտելիս: Վեց հարիւր տարի տեւել է քո շինութիւնը, և դու մի ըոպէի մէջ

վեցհարիւրամեայ աշխատութիւնից յետոյ հանգիստ ես վայելում: Ծովի ալիքների նման քո մօտից սերունդներ են անցել և տակաւին ոչ մի քար չի շարժուել իւր տեղից: Կաթոլիկութեան այդ դամբարանը, որ նա կառուցել է իւր համար տակաւին կենդանութեան ժամանակ, հանգած զգացմունքի քարէ քօղ, ծածկոյթ է.—բարձրում ժամացոյցը հեղնօրէն է բանում: Այդ քարեայ տան մէջ մի ժամանակ կենդանի խօսքն էր ծաղկում. այժմ նրա մէջ այդ խօսքը մեռած է և դեռ ապրում է միայն արտաքին բարեայ կեղևի մէջ. (ծառի դատարկ խոռոչ):

Յարգանք Հոովմի համար: Որքան շատ մարդիկ դուրս են եկել հոովմէական եկեղեցին անարգելու, թշնամանալու նորա հետ և յանկարծ փոխել են իւրեանց միաբը, տրամադրութիւնը, ծունկ են չոքել և աղօթել են: Շատերի հետ պատահել է նոյնը, ինչ որ պատահեց Բաղամի՝ Բօէրի որդու հետ, որ զնաց Իսրայէլին անիծելու, մինչդեռ իրօք նորան օրհնեց: Ինչո՞ւ այդպէս եղաւ: Սակայն չէ՞ որ նա նրա էջի ձայնը լսեց միայն:

Իօհաննէս Փօն Միւլլերի գրուածները հետ կրկնվում է նոյնը ինչ որ և Կլօպշտօկի երկերի հետ. ոչ ոք չի կարգում այն, բայց ամենքը

յարգանքով են խօսում նրա մասին: Միւլլերը մեր մեծ պատմաբանն է, ինչպէս Կլօպշտօկը մեր մեծ վիպական բանաստեղծն էր, որին մենք պարծանքով արտասահմանեան հռչակաւոր գլորողներին էինք մենք հակադրում: Նա անչափ ձանձրալի է:

— Ալպեան լեռներ, և նրանց վերայ ոչ մի գաղափար: Մենք կարծում էինք: որ վէպ և պատմաբան ունենք:

Համբուրգի հրէաների ապստամբութեան համար 1830 թ. Սեպտեմբերին բնորոշ է, որ հրէայ յեղափոխականները առաջ իրենց օրուայ գործերը վերջացրին, իսկ յետոյ երեկոյեան յեղափոխութիւն կատարեցին:

Պոռվութեան ժամանակ ես Փան Ակենի գազանանոցումն էի. ամենից հանգիստ էր երևում առիւծը՝ լի վսեմ գայրոյթով, կապիկները ուրախանում էին, օձերը օղակներով գալարվում էին: Բորենին անհանգիստ կերպով այս ու այն կողմն էր գնում, սպիտակ արջը փառաւոր կերպով, հանգիստ պառկած էր և սպասում էր, բամբակօնը ամեն ընկալ փոխում էր իւր գոյնը, կարմիր, կապոյտ, սպիտակ, վերջապէս մինչև անգամ եռագոյն դարձաւ:— Գազանները իրենց պահում էին խելացի մարդկանց պէս, իսկ մարդիկ, ընդհակառակն, գազանների նման

կատաղած էին: Մի հրէայ ասաց մի ուրիշին. «Ես խիստ թոյլ էի»: Այս խօսքերը կարելի է հրէական պատմութեան համար որպէս նշանաբան ընդունել: Մէկը Ֆրիններից՝ անառակ կանանցից, որ կանգնած էր քաղաքի դռներից մէկի մօտ, ասաց. «Եթէ այսօր անարգում են հրէաներին, վաղը այդ կանեն սենատի՝ ծերակոյտի դէմ և վերջը մեր դէմ»: Ո՛վ, փողոցային Կասսանդրա, որպէս շուտ կատարուեցին քո խօսքերը:

Ա. Ես ես այդպէս կանէի: Եթէ մեր Փրկիչը միակը լինէր, որ առաջ է եկել այդ ցեղից—բայց այդ ցեղից նոյնպէս այնքան շատ անպիտան զգուելի մարդիկ են դուրս եկել, որ որևէ ազգականութիւն ճանաչել նրա հետ,—խիստ վտանգաւոր գործ է:

Բ. Եթէ ես այն ցեղին պատկանէի, որից ծագել, սերել է մեր Փրկիչը, աւելի շուտ ես կը պարծենայի դրանով քան կամաչէի:

Յախճապակու համար, որ հրէաները երբեմն պէտք է ընէին Սաքսոնիայում, նրանցից նրանք որոնց մօտ պահպանուել է այն, այժմ հարիւր անգամ աւելի գին դրամ կստանան: Վերջի վերջոյ Իսրայէլը կվարձատրուի իւր զոհերի համար

ամբողջ աշխարհի գովքի շնորհիւ, փառքով և մեծութեամբ:

Գերմանիայում քրիստոնէութիւնը միաժամանակ տեսականապէս, թէօրիայի մէջ տապալվում է և իրականապէս՝ արդիւնագործութեան և բարօրութեան կատարելագործութիւն է տեղի ունենում:

Որպէս գիտութեան մարդիկ միջնագարեան քրիստոնէական շրջանում ջանք էին գործ դնում Աստուածաշնչի մէջ գիտական ճշմարտութիւններ գտնելու, բանալու, նոյնպէս այժմ՝ կրօնի մարդիկ՝ աստուածաբանները, ձգտում են աստուածաբանական ճշմարտութիւններ գտնել գիտութեան մէջ՝ պատմութեան, փիլիսոփայութեան, ֆիզիկայի՝ բնագիտութեան մէջ. Երրորդութեան վարդապետութիւնը հնդկական առասպելաբանութեան մէջ, մարմնացման մասին վարդապետութիւնը տրամաբանութեան՝ լօգիկայի մէջ. ջրհեղեղը երկրագիտութեան մէջ և այլն:

Իւրաքանչիւր կրօն ըստ իւր տեսակի մխիթարութիւն է շնորհում դժբաղդութեան մէջ: Հրէաների մօտ յոյսն է. «Մենք գերութեան մէջ ենք. Եհովան բարկանում է մեզ վրայ, բայց Նա մեզ մի փրկիչ կղրկի»: Մահմեդական-

ների մօտ ճակատագրականութիւնն է. «Ոչ ոք չի կարող խուսափել իւր ճակատագրից, նա գըրուած է երկնքում քարեայ տախտակների վրա. տանենք խոնարհութեամբ ամեն բան, ինչ որ նախասահմանուած է. Ալլահ իլ Ալլահ»: Քրիստոնեաների մօտ հոգեպաշտական ասելութիւն դէպի հաճելին և ուրախութիւնը, վշտալի ձրգտում դէպի երկինք, աշխարհում երկրիս վրա՝ սատանայի փորձութիւն, միւս աշխարհում՝ վարձատրութիւն:

Աշխարհի մեծութիւնը, փառանդութիւնը միշտ համապատասխան է ոգու մեծութեան, որ գիտում է այն՝ աշխարհը: Բարի մարդը այստեղ երկրիս վրա գտնում է իւր դրախտը, իսկ չար մարդը արդէն այստեղ վայելում է իւր դժոխքը:

Մեր բարոյական գաղափարները բնաւ օգի մէջ չեն սաւառնում. մարդի ազնուացումը, արդարութիւնը, անմահութիւնը. այս բոլորը բնութեան մէջ իրական հիմք ունի: Այն ամենը, ինչ որ մենք գաղափարով տեսականօրէն սրբազան ենք ճանաչում, իրօք գոյութիւն ունի և բնաւ ցնորք, տեսիլ չէ:

Այսպիսի սրբերը, որպէս Ստիլիտը ¹⁾, ներ-

¹⁾ Սիմէօն Ստիլիտ (390 թ. յ. Գ). 30 տարի շա-

կայ ժամանակում անհնարին են, որովհետև մարդասիրութիւնը իսկոյն նրանց կտանէր կփակէր խելագարների տան մէջ:

Ամեն մի գիրք ժամանակ է պահանջում իւր աճման համար, որպէս ամեն մի երեխայ: Արագ և մի բանի շաբաթների ընթացքում գըրուած գրքերը իմ մէջ որոշ նախապաշարմունք են զարթեցնում հեղինակի դէմ. ազնիւ կինը երեխայ է ծնում ինն ամիս յղի լինելուց յետոյ, բայց ոչ առաջ:

Բանաստեղծը մի երկ ստեղծագործելիս իւր հոգու մէջ այնպէս է զգում, կարծես նա՝ ըստ Պիւթալիորեանների հոգեփոխութեան վարդապետութեան, բազմազան կերպարանքներով նախնական կեանք է վարել—նորա ոգևորութիւնը, յայտնատեսութիւնը, որպէս յիշողութիւն է պատկերանում մեզ:

Յոյների մէջ կեանքի և բանաստեղծութեան՝ պօէզիայի նոյնութիւն էր տիրապետում: Ուստի նրանք չունէին այնպիսի մեծ բանաստեղծներ, որպէս մենք, ուր կեանքը յաճախ բանաստեղծութեան հակասութիւնն է կազմում: Շէքսպիրի բունակ ապրում և բարոգում էր Անտիոքում, 80-ոս բարձրութիւն ունեցող ժայռի վրա: Ծանօթ. Թարգ.

ոտի բթամատը աւելի շատ բանաստեղծութիւն է բովանդակում իւր մէջ, քան բոլոր յոյն բանաստեղծները բացի Արիստոֆանէսից: Յոյները մեծ արուեստագէտներ էին, բայց ոչ բանաստեղծներ. նրանք աւելի արուեստի ճաշակ ունէին քան բանաստեղծութեան: Արձանագործութեան մէջ նրանք այնպիսի հռչակաւոր երկեր արտադրեցին այն պատճառով, որովհետև այստեղ նրանք պէտք է միայն իրականութիւնը ընդօրինակէին, որ բանաստեղծութիւն էր և նրանց լաւագոյն օրինակներ էր շնորհում:

Գեղարուեստական սրկը: Տեսանելի երկը ներդաշնակօրէն անտեսանելի գաղափարն է արտայայտում. ուստի ապրելու արուեստը ներդաշնակութիւն է կազմում գործողութեան և մեր մտքերի մէջ:

Գեղարուեստական երկը զեղեցիկ է, երբ աստուածայինը մտերմօրէն միանում է նրա մէջ մարդկային հետ.—Անահիտը համբուրում է Էնդիմիօնին. նա վսեմ է, երբ մարդկայինը բռնի կերպով, ուժով դէպի աստուածայինն է վերանում, սլանում—Պրոմէթէոսը չի ցանկանում խոնարհուել Արամազդի առաջ, Ագամեմնոնը իւր գաւակին զոհ է բերում, Պատկերացումը Քրիստոսի մասին զեղեցիկ է և վսեմ միաժամանակ:

Սրձանագործը, որ միաժամանակ քանդակում է Նապօլէօնին և Վելլինգտօնին, իմ կարծիքով, նման է այն քահանային, որ ժամի տասին եկեղեցում պատարագ է ցանկանում մատուցանել, իսկ ժամի տասներկուսին— սինագոգում երգել, ինչո՞ւ չէ. նա կարող է այդ անել. բայց այնտեղ, որտեղ այսպիսի բան կպատահէր, ժողովուրդը շատ շուտով կդադարէր և՛ եկեղեցի և՛ սինագոգա, յաճախելուց:

Բանաստեղծների համար աւելի ևս դժուար է երկու լեզուով խօսել. աւանդ, շատերը նրանցից հազիւ կարողանում են մի լեզուով խօսել:

Լեզենդան՝ աւանդութիւնը քանդակագործի մասին, որի աչքերը հանել են նրա համար, որ նա այլ ևս չկարողանայ մի այնպիսի արձան էլ պատրաստել, նոյն հիմքն ունի, ինչ որ և այն բաժակը կոտրելու սովորութիւնը, որով մի բարձրաստիճան անձի կենացն են խմել:

Բնածին գաղափարների, իդէաների խնդիրը կարող էր կանոնաւոր, ճիշտ կերպով լուծուել հետեւեալ կերպով. կան մարդիկ, որոնց ամեն ինչ դրսից, արտաքուստ է գալիս, այսպէս կոչուած տաղանդներ, որպէս Լեսսինգ, որոնք կապիկներին են յիշեցնում, որոնց մօտ արտաքին նմանողութեան ընդունակութիւնն է տի-

րուս. նրանց խելքի մէջ չկայ մի բան, որ արտաքին զգացմունքների միջոցով ընդունուած չլինէր: Սակայն կան և այնպիսի մարդիկ, որոնց մօտ ամեն ինչ հոգուց է բղխում— հանձարներ, որպէս Բաֆայէլ, Մոցարտ, Շէքսպիր, բայց այդպիսի մարդկանց ծննդեան պրօցեսսը աւելի դժուար է, լինում քան այսպէս անուանուած տաղանդների համար: Սրանց տաղանդների մօտ նա սչ այլ ինչ է եթէ, ոչ առանց կեանքի, առանց ներքին ոյժի սոսկական արտադրութիւն, պարզ մեքենայական գործողութիւն, իսկ հանձարների մօտ՝ կենդանի օրգանական ստեղծագործութիւն:

Մեր քնարերգութիւնը հոգեպաշտութեան արդիւնքն է, չնայած, որ նրա նիւթը զգայական է. այդ՝ մենաւոր, առանձին կեցած ոգու ձգտումն է արտաքին երևոյթների աշխարհի հետ ձուլուելու: Զգայականութեան յաղթանակը այդ քնարերգութեան մահը առաջ կբերի, հանդէս կըգայ ձգտում դէպի ոգին. զգայունութիւնը, որ առաւել ու առաւել մութ, ամպամած է դառնում, ոչնչական նիհիլիստական ծամածուծութիւն, Փրորազների անբովանդակ մշուշը եղածի և սկսողի միջև միջանկեալ կայարան, միտումաւոր բանաստեղծութիւն է:

Անմեղ անհոգ բանաստեղծը, որ յանկարծ

քաղաքական է դառնում, յիշեցնում է ինձ օր-
օրոցի մէջ եղած երեխային. «հայրիկ, մի կեր
այն, ինչ որ Ֆայրին է եփել»:

Բանաստեղծների աշխարհում երրորդ դա-
սակարգը ոչ միայն օգտակար չէ, այլ և ֆա-
սակար է:

Ռամկապետութեան՝ տիրապետութիւնը գը-
րականութեան վախճանն է առաջ բերում. ոճի
ազատութեան և հաւասարութեան: Իւրաքան-
չիւր ոք կարող է գրել ըստ իւր ցանկութեան,
այնքան վատ, որքան հաճելի է իրան, և սա-
կայն ոչ ոք իրաւունք չունի ոճի տեսակէտից
նրանից բարձր, գերազանց լինել և նրանից լաւ
գրել:

Ռամկավարութեան, դեմօկրատիայի իսկա-
կան տիրապետութեան հետ միաժամանակ ամեն
տեսակ բանաստեղծութիւն կունենայ իւր վերջը,
կմեռնի: Որպէս անցում դէպի այդ վերջը տեն-
դենցիական, միտումաւոր բանաստեղծութիւնը
կլինի: Ահա ինչու ռամկավարականները այդպէս
հովանաւորում են և համակրում այն, չէ թէ
միայն նորա համար, որ նա ռամկավարական
նպատակներին է ծառայում: Նրանք գիտեն, որ
Հոֆման ֆօն Փալլերսլեբենից յետոյ, կամ, աւելի

ճիշդ, նորա հետ վերջանում է բանաստեղծու-
թիւնը:

Ռամկավարութիւնը ատում է պօէզիան՝
Պարնասը պէտքէ քանդել, հողի հետ հաւասար-
ացնել, խճով յատակել և այնտեղ, ուր երբեմն
ժայռից ժայռ, բլրից բլուր էր ելնում ազատ
բանաստեղծը, այնտեղ շուտով հարթ սլոգանայ
կշինուի, երկաթուղի կանցնի, որի վրա շոգե-
մեքենան կխրխնջայ, սլանալով միշտ գործերով
զբաղուած հասարակութեան մօտով:

Մ Ռամկավարականները կատաղում են այն
բոլոր մարդկանց դէմ, որոնք սէրն են երգում...
ինչո՞ւ երգել վարդը, արիստոկրատ: Երգիր դե-
մօկրատական գեանախնձորը, որ կերակրում է
ժողովրդին:

Մ Այնպիսի ժամանակ, երբ քաղաքական շա-
հերն են տիրապետում, խիստ սակաւ կարող է
որ և է բուն գեղարուեստական երկ երևան գալ:
Բանաստեղծը այսպիսի ժամանակ նման է ալե-
կոծ ծովի մէջ գտնուող լուղորդին, որ տեսնում
է հեռում, փիի ժայռի վրա մի վանք. ձերմակա-
զգեստ կոյսերը կանգնած այնտեղ երգում են,
բայց փոթորկի աղմուկը խլացնում է նրանց
երգեցողութիւնը:

Գեղեցիկ բանաստեղծութիւն ստեղծեց չէ թէ աղբատ հունգարացի Նիմբօ ¹⁾, կամ Լիպպէ Դեամօլբում ծնուած առևարականը, այլ համաշխարհային ոգին: Այս գէպքում փառքը միայն նորան է պատկանում, և ծիծաղելի է, եթէ այդ երկու վերոյիշեալ անձինք գէթ փոքր ինչ պարծենում են դորանով, զրեթէ այնպէս ինչպէս հայր Բաշելը իւր աղջկայ աջողութեամբ. ծերունի հրէան կանգնած է Փրանսիական թատրոնի պարտերում և երևակայում է, որ նա է Իֆիգենիան կամ Անդրոմախան, որ այդ նրա խաղն է, նրա պերճախօսութիւնն է ամենքի սրտերը յուզում, և երբ ծափահարում են, նա գլուխ է տալիս, բարևում է կարմրելով:

Սովինին հռովմայեցի է. Ո՛չ, նա հռովմէական ոգու ծառան է:

Սովինիի ոճի պերճութիւնը նման է կաշոզ արծաթագոյն լորձնի, որ թողնում են միջատները այնտեղ, ուր որ նրանք սողացել են:

Բառւմէրը՝ պատճառաբանող կաշի է, Բրօկ հաուզի զրավաճառանոցի զրականական փոքր ծառան. ժամանակով, երբ նա կմեծանայ, զրավաճառանոցի պահապան կլինի:

¹⁾ Լենաու բանաստեղծը իրօք կոչվում էր Նիմբօ Փօն Ստրեյնաու:—

Մ Դերվինուսի «Դրակամութեան պատմութիւնը»:
 Վ Հեղինակի խնդիրն էր. այն, ինչ որ Հայնրիխ Հայնէն խիստ խելացի արտայայտել է մի փոքրիկ զբօսյկի մէջ, այժմ առանց խելքի և առանց մտքերի մի մեծ գրքի մէջ տալ, արտայայտել: Խնդիրը շատ լաւ է լուծուած:

Վ Պատմաբանները, որոնք իրանք ցանկանում են ամբողջ պատմութիւնը շինել, կատարել, նման են այն կատակերգակ դերասաններին Գերմանիայում, որոնք մոլութիւն ունէին իրանք զբրել պիէսները: Հալլէրը նկատում է, որ բեմի վրայ այնքան աւելի լաւ են խաղում, որքան աւելի վատ է պիէսն: Եւ ահա հարց է ծագում. նրանք վատ են գրում իրանց լաւ դերասաններ ցոյց տալու համար, թէ վատ են խաղում լաւ գրողներ երևալու համար: Նոյն այդ հարցերը կարելի կլինէր մեր պատմաբաններին առաջարկել:

Չգուշացէք Հենգստենբերգից. նա յիմար է Վ ձևանում միայն: Այդ Բրուտոսն է, որ ժամանակով վայր կձգի իւր դիմակը, իրան խելացի հաւատացող ցոյց կտայ և ձեր թագաւորութիւնը կտապալի:

✓ Բուզէն*) աներես մարդ է, Ֆիլիստեր է, մի անգամ անաչառ կերպով նայեցաւ հայելու մէջ և խոստովանուեց, որ Բելվեդերի Ապոլլոնը այնուամենայնիւ իրանից աւելի դեղեցիկ է: Իւր ոգու մէջ նա արգէն կրում է ազատութիւնը, բայց նրա անդամները մէջ նա՝ ազատութիւնը տակաւին չի ցանկանում սերս մտնել և, չնայած որ նրա համակրութիւնը դէպի հելլենական մերկութիւնը ոգևորութեան աստիճանին է հասնում, նա, սակայն, չի կարողանում վճռել հանել իւր վրայից բարբարոսական ժամանակակից նոր վարտիկները, կամ բարոյականութեան քրիստոնէական գերմանական անդրավարտիկները: Շնորհալի, գեղեցիկ դիցուհիք՝ զրացիաները ծիծաղողէմ նայում են այդ ներքին կուռի վրայ:

✓ Յակոբ Վենետի**): Բնութիւնը քեզ ստեղծել է

*) Արնոլդ Բուզէն ծնուել է 1802 թ. եղել է հրապարակախօս փիլիսոփայ. 1849 թ. դեմօկրատական շարժման մասնակցելու համար փախել է Անգլիա: Սրանից առաջ գերման. հանդէսների լամբազիր է եղել, մի ժամանակ Կարլ Մարքսի հետ սկսեց Պարիզում հրատարակել «Գերման.—Ֆրանսիական հանդէս»: Ֆրանկֆուրտի պարլամենտի մէջ ծայրահեղ ձախակողմեան ֆրակցիային էր պատկանում: Անգլիայում Մաձինիի, Լեդրիւ-Րոլլէնի հետ հիմնեց եւրոպական դեմօկրատական միութիւնը: 1866 թ. Գերմանիայի միացման թունդ կողմնակից էր. մեռաւ. 1880 թ. Ծ. Թ.

**Վենետէյն քաղաքական գրող է եղել. ծն. 1805 թ. † 1871 թ. ծ. թ.

արտաքնոցների մաքրող... Մի ամաչիւր դորանից, գերմանական հայրենասէր: Դու մաքրում ես քո գերմանական հայրենիքի արտաքնոցները:

Ես կլուեմ նորա մտաին, ես չեմ կարող նրանից օգտուել, որպէս կօմիքական անձից այնպէս, ինչպէս ես այդ անում եմ Մասամանի հետ: Ծիծաղելին այդտեղ այն էր, որ Մասամանը լատիներէն գիտէր. իսկ Վենետէյն բնաւ չգիտէ. տխրութեան, ձանձրոյթի մէջ ծիծաղելի, կօմիքական բան չկայ:

Լուզովիկոս թագաւորը չի ընդունում Լութերին իւր Վալհալլայի մէջ: Այդ բանի համար չպէտք է նորա վերայ բարկանալ. նա իւր սրբտի մէջ զգում է, որ եթէ Լութերը Վալհալլա կառուցանէր, նրան այնտեղ չէր ընդունիլ, որպէս բանաստեղծի:

Էստէ, Մեդիչի, Գօնգազա, Սկալա իշխանները հռչակաւոր են, որպէս մեկենասներ: Մեր գերմանական իշխանները, անկասկած, նոյն բարի կամքն ունեն՝ մեկենաս լինելու, բայց նրանց պակասում է կրթութիւն ճշմարիտ, բուն տաղանդներ և հանճարներ գտնելու համար, որովհետև սրանք չեն տեղեկացնում իրենց մասին նրանց ծառաների միջոցով: Մեր իշխանները նրանց են հովանաւորում միայն, որոնք ի-

րենց ուսմամբ, կրթութեամբ նրանց՝ իշխանների հետ մի հաւասար աստիճանի վրայ են գտնուում. և ինչպէս իտալական իշխաններին ճանաչում են, երբ անւանում են նրանց հովանաւորեալներին, այնպէս ևս ժամանակով կճանաչեն մերոնց, երբ կանուանեն այն մարդկանց, որոնց տփեր, բաժակներ, թոշակներ և շքանշաններ են շնորհել: Ասում են, որ մեծ գրողների կողմից անմտութիւն է սովորական, մանր գրողների անունները գալոց սերնդի համար յարուցանելը, թէպէտև կծու, հեզնական նկարագրի միջոցով. բայց մենք այդ նորա համար ենք անում, որ ամաչեցնենք նրանց մեկենասներին:

✓ Այդ մարդկանց պէտք է իրենց կենդանութեան ժամանակ փայտերով ծեծել, որովհետև նրանց մահից յետոյ նրանց արդէն չի կարելի պատժել, չի կարելի խայտառակել, ծաղրել, պարսաւել նրանց անունը, որովհետև նրանք իրենցից յետոյ ոչ մի անուն չեն թողնում:

✓ Վօլֆգանգ Մենցելը*) ամենից սրամիտ գլուխն

**) Վօլֆգանգ Մենցել, բննադատ և պատմաբան էր, ծնուեց 1798 թ. երկար տարիներ խմբագիր էր գանազան գերման. թերթերի. Մենցելը Գեօթէի և նրա դպրոցի թունդ հակառակորդ էր, ապա և «Երիտասարդ Գերմանիայի» ասել է՝ Հայնէի և Բեօրնէի: 1848 թ. ականի անցքերը Մենցելին դարձրին Ֆրանսիայի թունդ

է. գիտութեան համար հետաքրքիր և կարևոր կլինի, եթէ նորա գանգը ժամանակով ապագայում գանգաբանական հետազոտութիւններին ենթարկուի: Ես ցանկանում եմ, որ նրանք որոնք ծեծում են նորան, խնայէին գլուխը, ապա թէ ոչ գանգաբանները գլխի նոր կլոր ուռոյցքները սրամտութեան և պօէզիայի ուռոյցքների տեղ կլնդունեն:

✓ Եւ այդ տգէտ նապաստակը իրան գերմանական ազգի ասպետ, առաջնորդ է ցոյց տալիս, ամենից քաջ և ամենից գիտուն ազգի, ազգի, որ ապացուցել է իւր քաջութիւնը կռուի հազար դաշտերի վերայ և հարիւր հազար գրքերի մէջ ցոյց է տուել իւր նրբամտութիւնը և խորին գիտութիւնը, ազգի, որի լայն կուրծքը փառաւոր սպիներով է պատած և որի ճակատի վերայից անցել են աշխարհի բոլոր մեծ մտքերը և իրենց ետևից թողել են ամենից պատուաւոր խորշոմներ:

✓ Գուցկով: Բնութիւնը խիստ համեստ էր, երբ նա ստեղծեց նորան՝ մարդկանցից ամենից անհամեստին:

Թշնամի: Մենցելը խիստ բեղմնաւոր գրող էր: Իւր բոլոր գրուածների մէջ նա թունդ միապետական էր և ծայրայեղ ազգայնական, նացիոնալիստ: Մեռաւ 1873 թ. ականին. Մ. թ.

Նա ցանկացաւ նմանել Հայնէին, բայց զրա համար նորա մօտ բացակայում էր ամեն տեսակ բանաստեղծութեան շնորք, և նա միայն կարողացաւ Բեօրնէին նմանելու աստիճանին հասնել: Նորա նկարագրի և լեզուի մէջ ինչ որ ուստիկանական բան կայ: Նա միշտ դարան մտած՝ դիտում է հասարակութեան ներկայ, առօրեայ թոյլ կողմերը, իւր անձնական շահերի համար նրանց շահագործելու մտքով: Հովանաւորելով և շողորթելով այդ թուլութիւնները, նա դիւրին կերպով կարող է առանց տաղանդի, առանց գիտական տեղեկութիւնների, առանց բնաւորութեան կառավարուել, եօլա գնալ, և նա այդ գիտէ: Նա հասարակութեան ոչ մի դարկ չի տալիս իւր կողմից, բայց ստանում է այն-զարկը նորանից. նա հագնում է օրուայ գաղափարի, ներկայ ընդհանր կարևորութիւն ունեցող խնդրի հագուստը. նա նորա սպասաւորն է, նորա դիւանատան ծառայողը, նա սողում է նորա առաջ ստրկի խոնարհութեամբ և այդ բանի համար օղու գրամ՝ խմելու փող է պահանջում իւր համար:

Ժիսկէն ¹⁾ պատմում է իւր յիշողութիւնների իրրորդ մասի մէջ մի ուստիկանական գործակալի

¹⁾ Ժիսկէ-ուստիկանութեան պրեֆեկտէր Լուդովիկոս Փիլիպպոսի ժամանակ:

մասին, որ շքադրամներ՝ մեդալներ, գողացած գողին գտաւ այն նրբութեան շնորհիւ, որով կատարուած է եղել յանցանքը. գեղեցիկ հիւսուած պարան, մի կտոր մեղրամոմ գողի լապտերի մէջ ճարպեայ մոմի տեղ... Այսպէս ես ճանաչում եմ պարոն * * * անանուն յօդուածի մէջ:

Ինչո՞ւ պէտք է ես այժմ հակասեմ, պատասխանեմ: Մի քանի տարուց յետոյ ես կմեռնեմ և այն ժամանակ ակամայ պէտք է տանեմ, համբերեմ մի սուտ իմ մասին: Պարոն * * * բնաւ չպիտի վախենայ, որ նորա մահից յետոյ սուտ կը խօսեն նորա մասին:

Գրաբէի «Գօտլանդ» ողբերգութիւնը: Երբեք երբեք սարսափելի և զգուշի մտքերի մի ամբողջ շարք, որպէս թիւարութեան դատապարտուածների (տաժանակիրների) մի շարք, սրոնցից իւրաքանչիւր խարանուած է... Հեղինակը տանում է նրանց շղթայակապ դէպի պօէզիայի գալլերները՝ թիւարութեան նաւերը:

Գերմանական լեզուն ինքն ըստինքեան հարուստ է, բայց գերմաներէն խօսակցութեան հագիւ միայն տասներորդ մասից ենք օգտվում. այս կերպով լեզուի կողմից մենք իսկապէս աղքատ ենք:

Փրանսիացիք գիտեն խօսակցութեան ժամանակ քաղել նրանցից այն ամենը, ինչ որ նո-

րա մէջ պարունակվում է, ուստի նրանք լեզուի կողմից իրօք հարուստ են:

Միայն գրականութեան մէջ գերմանացիք ցոյց են տալիս իւրեանց լեզուի ամբողջ հարստութիւնը, գանձերը, և ֆրանսիացիք զրանով կուրացած՝ Աստուած գիտէ ինչ հրաշքներ են երևակայում մեր տնային նիստուկացի մասին այդ կողմից. նրանք անգամ գաղափար չունեն, որքան սակաւ մտքեր ունենք մենք մեր տանը կիրառութեան համար: Փրանսիացիների մօտ ճիշդ հակառակն է. հասարակութեան մէջ աւելի շատ մտքեր կան քան գրքերի մէջ և ամենից խելացի և տաղանդաւոր մարդիկ նրանց մէջ կամ բնաւ ոչինչ չեն գրում, կամ գրում են միայն պատահաբար:

✓ Վօլտերը խիզախօրէն վեր է թռչում, նա մի արծիւ է, որ ուղղակի արեգակին է նայում: Բուսսօն ազնիւ, վսեմ աստղ է, որ վերից վար է նայում. նա սիրում է մարդկանց վերից վար:

Վօլտերը խոնարհվում, յարգանք է մատուցանում պապին հեգնօրէն և կամաւորապէս. կարգացէք նորա Մուհամէդի նուիրումը:

Բուսսօն չէր կարելի համոզել թագաւորին ներկայանալու համար. նորա բնագոյր ճիշդ կեր-

պով էր դեկավարում նորան: Նա ոգևորութիւն էր ամբողջովին և որևէ զիջումներ անելու ընդունակ չէր:

Փրանսիական հին գրողները որոշ հայեցակէտ ունէին. լոյսը և ստուերները նրանց մօտ միշտ կանոնաւոր են, հայեցակէտի օրէնքներով: Նոր գրողները ցատկում են մի հայեցակէտից միւսի վրա և նրանց նկարագիրների մէջ մենք լոյսի և ստուերների խիստ անախորժ խառնուրդ ենք գտնում, այստեղ պանթէիստական՝ համաստուածեան աշխարհահայեացքին պատկանող մի միտք, այնտեղ նիւթապաշտութիւնից ծագող մի միտք, անհաւատութիւնը՝ կասկածը և հաւատը իրար հանդիպում և իրար հետ են ձուլվում... խեղկատակի բաճկոն:

✓ Փրանսիական գրականութեան մէջ ներկայումս կատարելապէս մշակուած գրական գողութիւն է տիրում: Այստեղ մի խելք ձեռքը մի ուրիշի գրպանն է խոթում, և այդ հանգամանքը նրանց մէջ որոշ կապեր է հաստատում: Մտքերի գողութեան այդ տաղանդի գոյութեան ժամանակ, երբ մէկը միւսից գողանում է միտքը նախ քան այն միտքը կատարելապէս հասունացած է, մտաւոր աշխարհը ընդհանուրի բարիք, սեպհականութիւն է դառնում... Գրականութեան

հանրապետութեան մէջ մտաւոր գոյքերի համայնութիւն է տիրում:

Ֆրանսիական նորագոյն գրականութիւնը նմանում է Պալէ բուսայեալի ճաշարաններին: Եթէ դուք մտած լինէիք խոհանոցը և տեսնէիք կերակուրների կազմիչ, բաղադրիչ մասերը և նրանց պատրաստութեան եղանակը, ձեր ախորժակը կկորցնէիք: Կեղտոտ խոհարարը հագնում է ձեռնոցները, երբ իւր եփած խորտիկները փայլուն սկաւառակների վրայ է դնում:

✓ Ներկայ ժամանակի ֆրանսիական գրողները նման են ճաշարաններին, ուր երկու ֆրանկով կարելի է ճաշել: Սկզբում բերում կերակուրները ախորժակի են, բայց յետոյ գտնում ենք, որ նրանք երկրորդ և երրորդ ձեռքերից ստացուած նիւթերից են պատրաստուած և բացի այդ արդէն հին և փտած են:

Լէօն Գօզլանի*) մօտ չէ թէ տառն է սպանում, այլ ոգին:

Ֆրանսիական նոր բովանդակները քրիստոնէութեան սիրողներ (գիլետտանտներ) են.

*) Լ. Գօզլանը (1803—1866) ֆրանսիական վիպասան է: Ծ. Թ.

նրանք վարվում են համակրութեամբ են վերաբերվում դէպի եկեղեցին՝ առանց նրա վարդապետութեան, խորհուրդներին հլու համախոհներ դառնալու. նրանք կաթոլիկ են:

Միթէ ճշմարիտ է, որ Ֆրանսիան կրկին քրիստոնէութեան դառնալ է ցանկանում: Միթէ Ֆրանսիան այնպէս վտանգաւոր կերպով հիւանդ է: Միթէ նա թոյլ կտայ իրան հէքիաթներ պատմելու... Միթէ նա իւր մահուան անկողնի մէջ զղջալ, դառնալ է ցանկանում: Յանկանում է հաղորդուել: Անգորութիւն, քո անունն է՝ մարդ:

Շատորբրիանը ցանկանում է քարոզել քրիստոնէութիւնը մաքառելու համար այն փառաւոր անհաւատութեան դէմ, որով ամբողջ աշխարհը տոգորուած է: Նա գտնվում է ճիշդ հակառակ գրութեան մէջ, որպէս նէապօլիտական կապուցիներ, որ մարդկանց առաջ պահում է խաչը: Ահա իսկական խեղկատակ:

Շատորբրիանը մի հուպիտ՝ խեղկատակ է, որ իւր խենթի ցուպը պահում է մարդկանց առաջ:

Ահա ճշմարիտ խաչը:

Շատորբրիանը՝ շատախօս զառանցող է, սկզբունքով թագաւորական, ձգտումով, հակումով հանրապետական, ասպետ, որ իւրաքանչիւր շու-

շանի կուսութեան համար նիգակ է կոտորում և որ իւր գլխին կրում է Մամբրէնի սաղաւարտի փոխարէն կարմիր գլխարկ ճերմակ կօկարդով:

✓ Բիւֆֆօնը ասում է, որ ոճը ինքը մարդն է, Վիլմէնը այդ աքսիոմայի կենդանի հակասութիւնն, հերքումն է. նորա ոճը գեղեցիկ է, վայելչակազմ և մաքուր:

✓ Ով Շարլ Նօդիէի նման իւր երիտասարդութեան ժամանակ յաճախ գլխատման է ենթարկուել, այնպիսին, խիստ բնական է, ծերութեան ժամանակ բնաւ առանց գլխի կրմնայ:

✓ Բլազ դը Բիւրին¹⁾ գիտում է աննշան, փոքր գրողներին խոշորացոյցով, իսկ մեծերին մանրացոյց ապակու միջով:

Ամօրին¹⁾—գրող կանանց հովանաւորողն է, նա օգնում է կարօտեալներին, նա նրանց փոքրիկ ճերմակ կրկնոցն (վերարկու) է, նրանց խոստովանանքը, նորա յօգուածները՝ փոքրիկ սրբատուն, խոստովանախոս է, ուր նրանք գաղտնի կերպով ներս են մտնում քօղով ծած-

¹⁾ Բլազ դը Բիւրին և Ամօրին ֆրանսիական յայտնի կրիտիկոսներ են: ձ. Թ.

կուած. մեռեալները անգամ խոստովանում են նրան իրենց մեղքերը. Եւան նորա առաջ այնպիսի բաներ է խոստովանում, որ օձը ասել է նորան և որ մեզ համար անյայտ է մնացել, որովհետև նա այդ բաները ծածկել է Աղամից: Նա քննադատ է ոչ թէ մեծ, այլ փոքր գրողների համար: Կէտերը (կէտ ձկները) նորա ոսպնակերպ ապակու տակ տեղ չունեն, սակայն դրա փոխարէն դուք այնտեղ կգտնէք շատ հետաքրքրական լուեր:

Միշել Գվալիէն պահպանողական է և միաժամանակ ամենից առաջադիմական: Մի ձեռքով նա պահպանում է հին շէնքը, որ նա չքանդուի մարդկանց գլխին, միևսով նա գծագրում է ապագայի նոր, աւելի ընդարձակ շէնքի յատակազիծը:

✓ Տիերրին կարելի կլինէր Մերլինի հետ համեմատել. նա պառկած է, որպէս կենդանի թաղուած, մարմինը այլևս գոյութիւն չունի, միայն ձայնն է մնացել... Պատմաբանը միշտ մի Մերլին է, նա թաղուած ժամանակի ձայնն է, նորան հարցնում են և նա պատասխան է տալիս. նա ետ նայող մարգարէն է:

Փրանսիական արուեստը իրականութեան

վերարտադրութիւնն է: Բայց որովհետև վերջին յիսուն տարիների ընթացքում Ֆրանսիացիք այնքան ապրեցին և այնքան շատ բան տեսան, նրանց գեղարուեստական երկերը ապրածի և տեսածի վերարտադրութեան շնորհիւ խիստ աւելի նշանաւոր են դառնում, քան գերմանացի արուեստագէտների գործերը, որոնք հոգեկան ցնորքների միջոցով միայն հասնում են իրանց պատկերացումներին:

Միայն ճարտարապետութեան մէջ, ուր բնութեան վերարտադրութիւնը տեղի ունենալ չէ կարող, Ֆրանսիացիք յետ են մնացել ուրիշներին:

Երաժշտութեան մէջ նրանք այն տոնն են տալիս, որ յատուկ է իրենց ազգայնութեան. առողջ միտք և զգայունութիւն, խելք ու շնորհալիութիւն. դրամայի մէջ՝ կրքեր: Ընտրականութիւնը երաժշտութեան մէջ Մէյերբերն է ներմուծել:

Մէյերբերը արխտոկրատիայի երաժշտական զուարճութեանց ուսուցիչն է:

Մէյերբերը բոլորովին հրէայ է դարձել: Եթէ նա ցանկանում է Բերլինում իւր նախկին յարաբերութիւնների մէջ մտնել, պէտք է ամենից առաջ մկրտուի:

Րոսիայի «Օթէլլոն» իրենից լուսաճաճանչ ծաղիկներ արձակող Վեգուլս է:

Պիզարոի կարապը չկարողացաւ այլևս տանել սագերի կռկոցը:

Երբ արուեստագէտի մէջ դադարում է բանաստեղծութիւնը, պօէզիան, նրա գլխից չքանում է պսակը:

Նորա Պաստիշչիօն ինձ վրա միշտ անախորժ ներգործութիւն է անում, սպանիական գալլերէայում գտնուող Հերոնիմոսի պատկերը յիշեցնելով, որ արդէն դիակ դարձած, սաղմոսներ է գրում: Այստեղ ցուրտը անցնում է մարմնով, որպէս մի արձանի հպելու, ձեռք տալու ժամանակ:

✓ — Ալի Շեֆֆերի բոլոր պատկերները ցոյց են տալիս հեղինակի այս աշխարհից ազատուելու տենչը, ձգտումը սակայն առանց կատարելապէս անդրգերեզմանական աշխարհի գոյութեան հաւատալու:

✓ — Լեսսինգը ասում է. «Եթէ կարէին Րաֆայէլի ձեռքերը, նա, այնուամենայնիւ, նկարիչ կը դառնար»: Նոյնը ճիշտ կերպով մենք կարող ենք ասել. եթէ պ. ***-ի գլուխը կտրեն, նա այնուամենայնիւ նկարիչ կմնար, նա կշարունակէր նկարել առանց գլխի, և ոչ ոք չէր նկատիլ, որ նա անգլուխ է:

Շէքսպիրը ստացել, փոխ է առել զրամատիքական ձևը իւր ժամանակակիցներից. այդ ձևի տարբերութիւնը Փրանսիականից:

Իւր զրամաների բովանդակութիւնը, նիւթը նա միշտ փոխ է առել, քաղել է մինչև մանր, աննշան մանրամասնութիւններն անգամ. կոպիտ ուրուագծերը իսկ, որպէս քանդակագործի առաջին քանդակումները, նա պահել է: Արդեօք մըտաւոր արտադրութեան մէջ ևս օգտաւէտ չէ աշխատանքի բաժանումը: Կատարելութեան բարձրագոյն աստիճանին միայն զրանով՝ աշխատանքի բաժանումով են հասնում:

Սրպէս Հոմերոսը միայնակ չի ստեղծել իւր «Յդիական»ը, նոյնպէս և Շէքսպիրը մենակ չի գրել իւր ողբերգութիւնները. նա նախնական աշխատանքները կենդանացնող հոգին է տուել միայն:

Գեթթէի մօտ մենք նոյնն ենք տեսնում— նորա փոխառումները, գողութիւնները:

Իւնիուսը ազատութեան ասպետն է, որ կռոււմ է ծածկած, վայր ձգած սաղաւարտի երեսնոցով:

Դանտէն բանաստեղծութեան հրապարակական մեղադրողն, դատախազն է:

ՄԵԾ ՄԱՐԴԻԿ

Ինչպէս աստղերը զարդարում են երկինքը, այնպէս մեծ մարդիկ զարդարում են իրանց հայրենիքը և աշխարհը: Մեծ մարդկանց սրտերը աշխարհի աստղերն են: Եթէ վերևից նայելու լինենք մեր մոլորակի վրայ, այդ սրտերը նկատելի կլինեն, ինչպէս լուսաճաճանչ, փայլուն լուսատուներ: Փրանսիան—մարդկային սրտերի յարդագողի ճանապարհին է:

Մեծ հանճարը կազմոււմ է, առաջ է գալիս ուրիշ հանճարից, ոչ այնքան նմանութեան՝ ասիմիլիացիայի միջոցով, որքան շփման:

Միայն հանճարը ունի նոր մտքի համար և նոր խօսք:

—Հանճարի գրիչը միշտ աւելի մեծ է քան նա ինքը. նա միշտ աւելի մեծ է նրա ժամանակաւոր զիտաւորութիւններից:

—Թղտկը, որ կանգնած է հսկայի սուսերի վրա, տեսնում է աւելի քան նա, բայց բարձրագոյն, վսեմ հայեցողութեան համար նրան պակասում է հսկայի սիրտ:

—Դուք բոլորդ, որ ազգային հերոսների յետնորդներ էք ձեզ ձեռնարկում ու հրատարա-

կուս, միայն նրանց քայքայուող դիակից դուրս եկած որդեր էք:

— Մեծ հերոսի անձնական ծանօթները՝ նրա լակէյները, քարտուղարները և աղիւզանտները, իսկ երբեմն և նորա ժամանակակիցները առ հասարակ ամենից քիչ կարող են գրել նրա պատմութիւնը: Նրանք ինձ յիշեցնում են փոքրիկ միջատներին, որոնք սողում են մարդու գլխի վրա, այնքան մօտ նրա մտքերին, բայց որոնք ոչ մի հասկացողութիւն չունեն նրա կեանքի իմաստի և էութեան մասին:

✓ — Մեծ մարդը կարող է երբեմն մեծ նպատակներին հասնելու համար գործել իր համոզմունքներին հակառակ և երկդիմի կերպով գտնուել կուսակցութիւնների միջև. նա ով բարձր է գտնուում, պէտք է նոյնպէս հնազանդուի հանգամանքներին, որպէս աշտարակի վրայի հողմացոյցը՝ Ֆլիւզեր, թէև նա երկաթից է շինուած, բայց ամեն մի մրրիկ կարող է ջարդել և վայր ձգել նորան, եթէ նա չսովորի քամու գէմ պատելու ազնիւ արուեստը: Բայց երբէք մեծ մարդը չի կարող այնչափ դաւաճանել իր հոգուն իր հայրենակիցների դժբաղդութեանը անտարբերութեամբ վերաբերուելու կամ այն դեռ աւելացնելու մտքով: Ինչպէս մենք սիրում ենք մեր մօրը, այնպէս սիրում ենք այն հողը, որի վրա ծնուել ենք. ծաղիկները, նրանց բուր-

մունքը, լեզուն և մարդկանց, որոնք աճել են նրա վրա: Ոչ մի կրօն այնքան վատ չէ և ոչ մի քաղաքագիտութիւն՝ պոլիտիկա, այնքան լաւ չէ այդ սէրը խեղդել կարենալու համար:

— Երբ մենք հեռուից լսում ենք մի քաղաքի մասին, ուր ապրում է որևէ մեծ մարդ, մենք ակամայից պատկերացնում ենք մեզ այն, որպէս քաղաքի կենտրոն. քաղաքի կտուրները, թւում է մեզ, լուսաւորուած են նրա փառքով: Իսկ քաղաք գալով, մենք այնքան էլ շուտ չենք գտնում նրան. այսպէս ճամբորդը արդէն հեռուից տեսնում է բարձր տաճարը, բայց, քաղաք գալով, նա ծածկւում է, թագչում է նրանից նեղ՝ ծուռումուռ փողոցներով:

ԶԱՆԱԶԱՆ ՄՏՔԵՐ

✓ Մ. մուսնութիւնը ծով է, որի համար կողմնացոյց՝ կոմպաս դեռ չէ հնարուած:

✓ — Մեր կարծիքը իրերի, առարկաների ու երևոյթների մասին պէտք է անյողդող ու հաստատուն լինի, իսկ մարդկանց մասին ամեն օր կարող է փոխուել:

✓ — Եթէ խօսքը կենդանի է. նրան կարող են կրել թզուկները, եթէ նա մեռած է, նա չի կանգնիլ թէկուզ հսկաները նրան պահպանէին, նեցուկ լինէին:

✓ — Լաւագոյն գրքերի, բանաստեղծութիւնների, շէնքերի և այլն հեղինակները մեզ յայտնի չեն: Ինչպէս էին կոչում Կեօնի տաճարը նախագծող, յղացող ճարտարապետին: Ո՞վ է նկարել նրա մէջ Աստուածամօր պատկերը բեմի ճակատին: Ո՞վ է գրել Յոբի գիրքը: Մարդիկ մոռանում են ազնիւների և մեծերի անունները: Ժողովուրդը լաւ յիշում է միայն իր ճնշողներին:

— Ով Աստուած, եթէ ինձ վիճակուած է մեռնել, ապա տուր ինձ Օլոֆերնի*) մահը:

*) Օլոֆերնը Ասորոց գորավար էր, որին սպանեց Յուդիթը նրա քնած ժամանակ:

✓ — Եթէ իշխանը Բեմի քարից մատանի է կրում, այն ազամանդի տեղ կընդունեն, իսկ աղքատը ազամանդեայ մատանի դնի, այն հասարակ ապակու տեղ կընդունեն:

✓ — Ով պառկում է շների հետ, վեր է կենում լուերի հետ:

✓ — Գիլիօտինը մերենայ է, որով անջատում են վատ սրտերը յիմար գլուխներից:

✓ — Միտքը անտեսանելի տարածութիւն է, իսկ տարածութիւնը-տեսանելի միտք:

✓ — Ստանան, բարձր տոհմերը և ճիգուիթները գոյութիւն ունեն միայն այն ժամանակ, երբ նրանց հաւատում են:

✓ — Երկնքի և երկրի միջև կան բաներ, որոնց հասկանալ չեն կարող ոչ միայն մեր փիլիսոփաները, այլ և բուն սովորական յիմարները:

✓ — Այն օրից, երբ գօակի վերայ դաշոյն կրելը մօզայից դուրս է եկել, անհրաժեշտ է գլխում երգիծանք՝ հումօր ունենալ:

✓ — Հեղինակի պատկերը, լուսանկարը գրքի առաջը յիշեցնում է ինձ Գենուան (Ճենովան), ուր խելագարների տան՝ գժանոցի առաջ նրա հիմնադրի արձանն է կանգնած:

✓ — Մահմէզը արգելել է տաճիկներին գլինին, որ նա այսպիսով աւելի անոյշ թուայ նրանց:

✓ — Մենք որոնում էինք մարմնաւոր Հնդկաստանը և գտանք Ամերիկան: Այժմ մենք փրն-

տուում ենք հոգևոր Հնդկաստանը, ի՞նչ կգըտնենք:

— Յիմարները կարծում են, որ պէտք է յարձակուել սագերի վրա Կապիտոլիոնը նուաճելու համար:

— Կելտերը սովորութիւն ունէին փող պարաք տալ միւս աշխարհում ետ ստանալու պայմանով:

— Արուեստը և փիլիսոփայութիւնը, պատկերը և գաղափարները, յոյներն են անջատել: Առաջ նրանք միացած էին կրօնի մէջ:

✓ — Աղքատ հովիւը կարծում է, որ եթէ նա հարուստ լինէր, տաւարը կարածէր ձիու վրա նստած:

✓ — Շատերը կարծում են, որ լաւ են ճանաչում թռչունը, եթէ տեսել են ձուն, որից նա գուրս է եկել:

Աւետարանի յաղթանակը մեծ հրաշք էր: Անդէն մարդկանց մի փոքրիկ խումբ ներս գրոհեց հռովմէական մեծ աշխարհը և մի խօսքով յաղթեց: Բայց ի՞նչ խօսք էր այդ: Ամբողջ հեթանոսական աշխարհը այդ օտար մարդկանց և կանանց խօսքի առաջ գողաց, սարսեց և տապալուեց, մարդկանց, որոնք այդ հին մոլորակի վրա ոչնչից չէին վախենում ո՛չ վայրի գազաններից, ո՛չ վայրենի մարդկանցից, ո՛չ սրից, ո՛չ հրից: Քրիստոնէութեան առաջ գալը, նրա մա-

քառումը և յաղթանակը—այդ համաշխարհային պատմութեան փառաւոր երևոյթն է:

Հռովմայեցին միաժամանակ զինւոր էր և փաստաբան. ուրիշի կայքը, որ նա նուաճում էր սրով, հաստատում էր իր վրա մանուածապատ օրէնքներով՝ կազուխստիկայով: Հռովմէական քաղաքացիական իրաւունքի օրէնսգիրքը, կողեկսը սատանայի սուրբ գիրքն է:

— Անկանոն բայերը տարբերում են կանոնաւոր բայերից նրանով, որ առաջինների համար աւելի խիստ են ծէծում, զանազոծում:

— Հռովմայեցիք աշխարհը նուաճելու համար ազատ ժամանակ չէին ունենալ, եթէ ստիպուած լինէին սովորել լատինական լեզուն: Բայց այդ բաղդաւորները օրօրոցի մէջ արդէն գիտէին, ինչ բառեր հայցական հոլովում վերջանում im-ով:

ՀԱՅՆԷՆ ԻՐ ՄԱՍԻՆ

Ես չգիտեմ, լաւ կամ վատ է այն, ինչ որ ես ստեղծել եմ իմ ամբողջ կեանքի ընթացքում: Բայց ես գիտեմ, որ այդ մեծ է եղել, ես զգում եմ այդ իմ հոգու հիւանդոտ լայնացումից, որից զուրս են եկել այդ ստեղծագործութիւնները:

✓ Ես չգիտեմ, արդեօք արժանի կհամարուեմ, որ իմ դազաղը զարգարեն դափնեայ պսակով: Բանաստեղծութիւնը, որքան էլ ես այն սիրում լինէի—միշտ եղել է ինձ համար սրբազան խաղալիք միայն: Ես երբէք առանձնապէս բարձրը չեմ գնահատել բանաստեղծի փառքը: Բայց իմ դազաղի վրա սուր դրէք. ես քաջ զինուոր եմ եղել մարդկութեան ազատագրական պայքարի մէջ:

Երբ ես երիտասարդ ժամանակս ողորմութիւն էի տալիս մուրացկանին, ես միշտ աւելացնում էի. «սիրելիս, երբ դու կնուիրես քեզ գրականութեան և քննադատականներ կրգրես Բրօկհաուզի գրական թերթերի համար, խնդրեմ ինձ չհայնոյես»:

—Ես չեմ պատկանում նիւթապաշտներին՝ մատերիալիստներին, որոնք մարմնացնում են ոգին. ես աւելի շուտ վերագործնում եմ մարմիններին նրանց ոգին, ես նրանց ոգի եմ տալիս, ես նրանց նուիրագործում եմ: Ես չեմ պատկանում անաստուածներին, որոնք բացասում են: Ես հստատաւ պնդում եմ:

—Այս աշխարհում ամեն ոք աւելորդ է բացի արեգակից և ինձնից: Առանց մեզ երկուսի. ես չեմ կարող պատկերացնել ինձ ոչ գարուն, ոչ գարնանային օդ, ոչ գերմանական գրականութիւն, ոչ էլ գործաւոր աղջիկներին: Առանց մեզ ամբողջ աշխարհը կփոխուէր մի անագին ոչնչի, զրօյի ստուերի, լուի քնի, կարլ Շտրեկֆուսի ոտանաւորի:

ԺՈՂՈՎՈՒՐԴՆԵՐ

Աստուածաշունչը—այդ հին, լաւ գիրք է, համեստ, որպէս բնութիւնը և որպէս բնութիւնը, բնական, նա լի օրուան պէս է երևում և առանց յաւակնութեան, որպէս արեգակը, որ մեզ տաքացնում է, որպէս հացը, որ մեզ կերակրում է: Նա նայում է մեզ վրա այնպէս քնքուշօրէն, կարծես օրհնելիս լինի մեզ, որպէս պառաւ տատը: Ով կորցրել է իր Աստուծուն, նա այս գրքի մէջ կարող է նորից գտնել Նորան. ով երբէք չէ ճանաչել Նորան, նորա վրա այս գրքից աստուածութեան շունչը կփչի: Հրէաները, որոնք թանկագին իրերը այնպէս լաւ ճանաչում են, գիտէին, ինչ են անում, երբ երկրորդ տաճարի հրդեհից միայն այդ գիրքը ազատեցին:

Աստուածաշունչը—մի գիրք է, որ մեծ է որպէս աշխարհ, որ արմատներ ունի ձգած աշխարհի ստեղծագործութեան անդունդի մէջ և որ բարձրանում է մինչև կապուտակ գաղտնիքները, արևի ելքն ու արևի մուտքն է, ուխտն ու կատարումն է, կեանքն ու մահն է, մարդկութեան ամբողջ գրաման գրքերի այդ գրքի

մէջնէ: Հրէաները իսկապէս գրքի ժողովուրդ են. գիրքը նրանց հայրենիքն, նրանց իշխանն է, նրանց երջանկութիւնը ու վիշտն է: Նրանք այդ գրքի մէջ են ապրում, այստեղ նրանք ուժեղ են և հիացմունքի արժանի: Այդ գրքի ընթերցանութեան մէջ խորասուզուած, նրանք չնկատեցին ոչինչ, ինչ որ աշխարհիս վրա տեղի ունեցաւ. ազգերը բարձրանում էին ու կորչում, պետութիւնները աճում էին ու հանգչում. յեղափոխութիւններ էին անցնում աշխարհիս վրա, իսկ նրանք նստած էին՝ գիրք կարդալիս և չէին գգում ժամանակը, որ սլանում էր նրանց գլխի վրա:

ՊԱՏՄՈՒԹԻՒՆ

Նախնական մեղքի պատմութեան մէջ, օձը, այդ փոքրիկ պրիվատ-դօցէնտը, արդէն 6000 տարի Հեգելից առաջ քարոզում էր Հեգելեան ամբողջ փիլիսոփայութիւնը: Այդ անոտ կապոյտ գուլպան (չուլիի), շատ սրամիտ կերպով ապացուցանում է, որ բացարձակը պարունակվում է կեանքի լինելութեան, և գիտութեան նոյնութեան մէջ, որ մարդ գիտութեան միջոցով Աստուած է դառնում կամ որ Աստուած ինքնաձանաչութեան է գալիս մարդու մէջ:

Սպանուած ճրէաստանը կտակելով Հոովմին իր հոգեպաշտութիւնը՝ սպիրիտուալիզմը, թշնամի յաղթողից վրէժը հանեց: Հոովմը, ազգերի Հերկուլէսը, թունաւորուեց հրէական թոյնով. նրա սաղաւարտը և զրահը վայր ընկան քայքայուող անդամների վրայից և նրա ուղղակիան հրամայողական ձայնը այլասեռուեց...

Անգլիացի Կարլոս թագաւորի սպանումը մեզ աւելի է ցնցում քան Լուդովիկոս XVI ըսպանումը: Կարլոսը հաւատում էր իր թագին իր բացարձակ, արսօլիւտ իրաւունքին. նա մե-

ուս նրա համար որպէս ասպետ, հպարտութեամբ և համարձակօրէն: Իսկ խեղճ բուրբօնը առաջուց փոխեց իր թագը յակօրեանների գրգալի, նա ինքը իրան չէր հաւատում: Մեր արցունքը Լուի Կապետին, դափնիները-Սաիւարտին:

Փրեզերիկոս Մեծ մեծ ծառայութիւններ է մատուցել գերմանական զրականութեան. 'ի միջի այլոց այն, որ նա իր բանաստեղծութիւնները հրատարակել է Ֆրանսերէն լեզուով:

—Փրիզրիխ Ս.այդ պսակուած, թագակիր նիւթապաշտութիւնն է, մատերիալիզմը:

Վ—Րոբեսպիերը—Ժան Ժակ Բուսսօի ձեռքն, արիւնոտ ձեռքն է, որ դուրս է հանել ժամանակի ծոցից այն մարմինը, որի հոգին ստեղծել է Բուսսօն:

Աթենացիք — մարդկութեան ուսանողութիւնն են: Աթենացիների սահմանադրութիւնը՝ ձեւարանական, ակադեմիական ազատութիւնն է:

—Տասնուութ դար է ինչ պայքար է մղվում Երուսաղէմի և Աթէնքի միջև, սուրբ գերեզմանի և արուեստի սուրբ օրրանի միջև, ոգու կեանքի և կեանքի ոգու միջև:

Խեղճ Րոբէսպիէր, դու կամենում էիր հան-

րապետական խստութիւն մտցնել Պարիզում, այն քաղաքում, ուր 15000 մոզիստուհիներ և 15000 հոտաւէտ նիւթեր վաճառողներ կան, որոնք զբաղուած են իրանց ժպտող, կոկող և անոյշ հոտ տարածող արհեստով:

— Առաջին կայսրութիւնը չէզոք հող էր ամենից տարբեր, բազմազան համոզմունքների տէր մարդկանց համար. նա կամուրջ էր այն մարդկանց համար, որոնք ազատուեցին նրա վրա յեղափոխութեան հեղեղից և քսան տարի դէս դէն էին ընկնում նրա վրա, չվճռելով, ձախ ափը գնալ թէ աջ:

— Կայսրը՝ Նապոլէօն I, մեռած է: Ատլանտեան ովկիանոսի մերկ, անապատային կղզու վրա է նրա մենաւոր գերեզմանը, և նա, որի համար նեղ և անձուկ էր այս աշխարհը, պառկած է փոքրիկ բլրակի տակ, որի վրա հինգ լալկան ութնիներ խորին թախծի մէջ կախել են իրանց տերէները: Նրա տապանաքարի վրա գիր չկայ, բայց Կլիօն, պատմութեան դիցուհին, զրոշմել է նրա վրա անտեսանելի բառեր, որոնք հազար տարիների միջից կհնչեն, որպէս ոգիների խմբերգեր:

— Նշանակելի է, որ Կայսրի երեք ամենախոշոր հակառակորդներին սարսափելի ճակատագիր է բաժին ընկել: Լօնդօնդերրին մորթել է իրան, Լուդովիկոս XVIII փտեց իր գահի վրա,

իսկ պրոֆէսոր Զալֆէլը դեռ ևս պրոֆէսոր է Գեօտարինգենում:

— Նապոլէօն—այդ թովիչ, դիւթական խօսք է, որ էլէկտրականացնում է և խլացնում Փլորանսիացիներին: Հազարաւոր թնդանօթներ նիրհումեն այդ խօսքի մէջ, ինչպէս Վանդամի սիւնի՝ կօլօննայի մէջ:

Նապոլէօնը հասկանում էր միայն անցեալը: Ապագայի համար նա ոչ ականջներ, ոչ էլ աչքեր ունէր:

Նրանք հայհոյում են Նապոլէօնին, բայց յայտնի, առանձին ականածութեամբ աջ ձեռքով նրա վրա ցելս շարտելով, ձախում պատւաւոր կերպով պահում են զխարկը:

Քանի մարդիկ աւելի մօտ էին կանգնած Նապոլէօնին, այնքան առաւել ևս հիանում էին նրա վրա. ուրիշ հերոսների հետ հակառակն է լինում: Նապոլէօնը այն ծառից չէ, որից շինում են թագաւորներին. նա այն մարմարիոնից է, որից շինում, կերտում են աստուածներին:

Պերմանական իշխանները երկարակեաց են այն պատճառով, որ վախենում են մեռնել Նապոլէօնին միւս աշխարհում չհանդիպելու համար: Գուցէ հազարաւոր տարիներից յետոյ կը յայտնուի մի սրամիտ գիտնական, որ խիստ շա-

հեկան և հիմնաւոր շարադրութեան, դիսսերտացիայի մէջ կապացուցի, որ Նապոլէօն Բոնապարտը այս նոյն Պրոմէթէոսն է, որ աստուածներից կրակ, լոյս է գողացել և այդ յանցանքի համար դամուել է ծովի մէջ մենաւոր ժայռին և նրա սիրտը կրծող անգղին զոհ է տրուած եղել:

Անգլիացիք միայն սպանեցին Նապոլէօնին: Վալտեր Սկոտտը վաճառեց նորան:

Վանդոմի սիւնի վրա կանգնած է նա, Նապոլէօնը, երկաթի մարդը. այստեղ, ինչպէս և կեանքի մէջ, յենուելով իր թնդանօթային փառքի վրա և սարսափելի մենութեան մէջ սլանալով ամպերի մէջ, այնպէս որ ամենից փառամուղ զինուորի սիրտը կբուժուի և կզսպուի իր սին ձգտման մէջ դէպի փառքը, երբ նա դէպի վեր կնայի նրա՝ անհասանելու վրա: Այսպէս այս հսկայական մետաղեայ սիւնը Եւրոպայի համար հանդիսանում է որպէս շանթարգել խիզախող, դիմագրաւող հերոսութեան դէմ:

Լուի Թիլիպպը այն կարծիքն ունի, որ նա հնարել է «մեղչանական թագաւորութիւնը»: Նա արտօնագիր՝ պատենտ ստացաւ այդ հնարագիտութեան համար: Այդ պատենտը տարեկան 18 միլլիոն փող է բերում նրան և նա ցանկանում

է այդ պատենտը պահպանել իւր զաւակների և յաջորդների համար:

— Փետրուարի (1848 թ.) անմիտ օրերի դէպքերը, անցքերը անլուր և առասպելական են: Ամենախելացի մարդկանց իմաստութիւնը ծաղրի և նախատինքի ենթարկուեց և թեթեամտութեան ընտրեալները բարձրացուեցին վահանների վրա: Վերջինները դարձան առաջին, ստորնագոյնները բարձրագոյն. իրերը և մտքերը տակնուվրա արուեցին*):

Մեր ժամանակը այնքան էլ աղքատ չէ, ինչպէս կարծում են: Շատ մարտիկներ ունենք, որոնք ծածուկ պայքարում են, կուռում և մեռնում...

Փիլիսոփայութիւն

— Եթէ կանտը գերմանական փիլիսոփայութեան տերրորի կօնվնտն է իսկ Թիլտէն Նապոլէօնեան կայսրութիւնը, Շելլինգը վերահաս-

*) Միթէ նոյնը չէր մեզ մօտ հոկտեմբերեան տխուր օրերին, ամբողջ Ռուսաստանում, երբ ինքնակոչ յեղափոխականները հազար ու մի օրգիւմներ սարքեցին ու բազմաթիւ աղէտներ բերին ժողովրդի գըլխին: Բայց ուսահայոց հայգուկային իրականութիւնը, որ բազմաթիւ սինլքորների, երկչոտ գեազանների «ըմբոստ» դարձրեց և այդ «ըմբոստները» այժմ կամ ծակերումն են կամ ծակեր են փնտռում թագնուելու համար: Ողորմելի հացկատակներ: Մ. Թ.

տատող ըէակցիան է. նա վերադարձրեց բնութեան նրա օրինական, լեզիտիմ իրաւունքները:

Փիլիսոփայութեան գերմանական փիլիսոփայութեան համար այն է, ինչ որ Նապոլէօնը Ֆրանսիական յեղափոխութեան մէջ: Կանտականների տերրորից յետոյ նա երևան է գալիս, ինչպէս Նապոլէօնը կարմիր տերրորից յետոյ:

—Փիլիսոփայութեան մէջ պլագիատ՝ բանագողութիւն գոյութիւն չունի:

Նապոլէօն II մէջ սպասում էին գտնել թէկուզ փոքրիկ նապոլէօն I-ին: Փոքրիկ Նապոլէօնին: Կարծես թէ Վանդօմի սիւնը կարող է փոքրիկ լինել: Հէնց նրա համար, որ նա մեծ է, ժողովուրդը նրան էլ յենում է այս տատանւող երեքուն ժամանակում, երբ Վանդօմի սիւնը միայն հաստատուն կերպով է կանգնած Ֆրանսիայում:

Գիզօն ղիմադրութեան մարդ է, բայց ոչ ըէակցիայի:

Բուրժուազիան չէ սիրում Գիզօին: Միշտ աւելի նրան են սիրում, ով մեզ խոստանում է օտարի կայքերը, քան նրան, ով պահպանում է մեր սեպհականը: Սյսպէս է եղել Աթէնքում, այսպէս է Պարիզում, և այսպէս կլինի բոլոր բամկավարական, ղեմօկրատիական երկրներում, ուր խօսքը ազատ է և մարդիկ թեթևամիտ:

—Լաֆայէտը Րոբեսպիերից յետոյ Ֆրանսիական յեղափոխութեան մէջ ամենից մաքուր անձնաւորութիւնն է և Նապոլէօնից յետոյ նրա ամենից ժողովրդական հերոսը:

—Տիերը ամենից խոր անտարբերն է, ինչիֆֆերենտիստն է. նա քաղաքականութեան Գեթթէն է:

—Լուի Բլանը շատ փոքրիկ գլուխ ունէր: Դիտելով այն, ես ոչ մի կերպով չկարողացայ հասկանալ, ինչպէս այսպիսի փոքրիկ գլխի մէջ կարող էր տեղաւերուել այսչափ շատ անգիտութիւն:

—Լուի Բլանը փոքրիկ գլխով մարդ է, բայց հայեացքով խորապէս թափանցում է անգունդների մէջ, ուր թագնուած սպասում են մեծ սոցիալական հարցերը: Նա մեծ ապագայ ունի, որովհետև հասկանում է անցեալը:

—Լուի Բլանը կէս սպարտացի է, կէս լիլիպոս:

Լօրդ Գրէյն և Կազիմիր Պերիէն իրար պահպանում են միմիատրութեանց գլխին ձգողութեան փոխադարձ սյժով. այսպէս երկու հարբածներ չեն ընկնում:

Կ Ի Ն Ը

Դուք յիշում էք Եւայի պատմութիւնը: Հէնց որ կինը գիտակցութեան է գալիս, նրա առաջին միտքը լինում է նոր հագուստ:

— Երաժշտութիւնը հարսանիքի ժամանակ—
այդ արշաւանք գնացող զինւորներին ուղեկցող,
ճանապարհ գնող երաժշտութիւնն է:

Ո՞վ կանայք, նրանց պէտք է շատ բան ներել, որովհետեւ նրանք շատ են սիրում և անգամ շատերին: Նրանց ատելութիւնը նոյն սէրն է միայն ուղղութիւնը փոխած: Նրանք այն ժամանակ են միայն չարիք պատճառում, երբ զբրանով սիրոյ ծառայութիւն են մատուցանում ուրիշ տղամարդի: Երբ նրանք զրում են, նրանց մի աչքը նայում է թղթին, միւսը տղամարդին: Գէշ կանայք չկան *):

Ո՞վ կանայք. դուք ստեղծուած էք մեզ ցաւ պատճառելու: Ձեր իայեացքը թոյն է, ձեր շնչառութիւնը— խաբեբայութիւն. ո՞վ առաջինը

*) Որքան կուզէք գէշ կանայք մեզանում ուսու և հայկական կեանքի մէջ, գէշ, այլանդակ հոգիներով, փշացած փողոցային մտքերով ազատամտութեան քողով ծածկուած: Մ. Թ.

ճաշակեց մեղքի խնձորը: Մագերը Հոովմը ազատեցին, իսկ դուք կործանեցիք Տրովադան: Ո՞վ Տրովադա, Պրիամոսի սրբազան բերդ: Ո՞վ Մարկոսի, Անտոնիոսի կորստեան պատճառ եղաւ: Ո՞վ սպանեց Կիկերոնին: Ո՞վ էր պահանջում Յովհաննէս Մկրտչի գլուխը: Ո՞վ էր պատճառը Աբելիարի խեղանդամութեան: Կանայք, մենք ձեզ տալիս ենք լաւագոյն, վսեմագոյն բաները, տալիս ենք մեր սրտի սրբազան բոցը, մեր սէրը, իսկ դուք մեզ ի՞նչ էք տալիս, միս, եզան վատ միս, հորթի հոտած միս և ջրալի սոււս:

Կանայք մեզ երջանիկ գտրձնելու միայն մի միջոց ունեն, իսկ դժբաղդ գարձնելու 30,000 միջոց:

— Կանայք շունեն երկրորդ սէր: Նրանց հոգիները շատ թոյլ են սիրոյ սարսափելի երկրաշարժը երկու անգամ վերապրելու համար:

— Ուր վերջանում է կինը— սկսում է վատ տղամարդը:

— Նշանակելի է, որ ամենից գեղեցիկ ազջիկները ամենից դժուար են ամուսին ձարուծ: Հին ժամանակներից այդ արդէն այսպէս է եղել: Ինչպէս յայտնի է, բոլոր երեք զրացիաները աղջիկ, կոյս մնացին:

ՄՍՐԴ ԵՒ ՆՐԱ ՆՈՒՆ

Եթէ մարդ ուզում է անձնասպան լինել, նա միշտ բաւական պատճառներ ունի դորա համար: Բայց նա ինքը գիտէ՞ արդեօք այդ պատճառները—այդ ուրիշ հարց է: Մինչև մեր կեանքի վերջին րոպէն մենք մեզ հետ կօմեգիա ենք խազում: Սրտի ցաւից մեռնելով, մենք գանգատւում ենք ատամի ցաւի վրա:

—

Յիմարներ շատ կան աշխարհիս վերայ, և երբեմն նրանց այն պատիւն են անում, որ նրանց խելագարներ են համարում, բայց բուն խելագարութիւնը այնպէս հազազիւտ է, ինչպէս և ըուն, իսկական իմաստութիւնը. գուցէ հէնց նա է իսկական իմաստութիւնը, որ նեղացած այն մասին, որ նա ամեն բան գիտէ, այս աշխարհի բոլոր այլանդակութիւնները, խելացի որոշում է արել ցնդուելու, գժուելու: Արևելեան ազգերը իմաստուն են, նրանք խելագարին պատում են ինչպէս մարգարէի, իսկ մենք մարգարէներին խելագարներ ենք համարում:

—Մարդիկ առանց սրտի յիմար են: Որով-

հետև մտքերը չէ թէ գլխից են բղխում, այլ սրտից:

—Նրանք են աւելի շատ վախենում վառողից, որոնք չեն հնարել այն:

—Սրախօսութիւններին և պարտատէրերին աւելի ձեռնտու է յանկարծ երևալ, չնախազգուշացնելով իրանց մասին:

—Ամենախորին ճշմարտութիւնը բղխում է միայն ամենախորին սիրուց:

—Ո՞վ աստուածներ, ես չեմ խնդրում ձեզ թողնել ինձ երիտասարդութիւնը, բայց թողէք ինձ նրա առաքինութիւնները. անշահ և անկեղծ ցատումը, անշահ և անկեղծ արցունքը:

—Ի՞նչ է ցանկանում երիտասարդը. ի՞նչ է նշանակում այդ հրաշալի յուզումը նորա հոգու մէջ: Նա ցանկանում է պատմութիւն ունենալ: Նա ուզում է որ և է բան վերապրած մարդ լինել:

—Սէրը—այդ ոգևորութիւն է, ոգևորութիւն, որ միշտ ասուածային է, իմաստուն թէ անմիտ բան է նա ստեղծում, շինում:

—Վիրաւորողը երբէք չի ներել: Վիրաւորուածը միայն կարող է ներել:

—Մարդիկ ականաւոր են դառնում միայն կրքի արտայայտութեամբ: Բաւական է մի գարծ, մի խօսք, բայց նրանք կըբոտ պէտք է լինեն:

—Աղամանդները կարող են պարծենալ նրանով, որ բանաստեղծները համեմատում են նրանց հետ մարդկային սիրտը:

—Հիմալայից, բուրգերից, անտառներից և ամպերից բարձր է մարդկային սիրտը. նա արևից աւելի գեղեցիկ է, աստղերից աւելի լուսափայլ, նա աւելի անսահման է քան սէրը. անսահման է որպէս Աստուած. նա աստուածութիւն է:

—Ով չի գնում այնքան հեռու, որքան հեռու մղում է նորան սիրտը և որքան հեռու թոյլ է տալիս նրան բանականութիւնը, նա երկչոտ է: Ով աւելի հեռու է գնում, քան ցանկանում էր, նա ստրուկ է:

—Առաքինի իւրաքանչիւրը կարող է լինել միայնակ: Արատի համար երկուսն են պէտք:

—Բարոյականութիւնը սրտի բանականութիւնն է:

—Վայելքը ոչ այլ ինչ է, եթէ ոչ վերին աստիճանի ախորժելի ցաւ:

—Միայն մեզ մերձաւոր հարազատ վիշտն է կորզում մեր արցունքը. իւրաքանչիւրը իսկապէս միշտ լաց է լինում միայն իւր մասին:

—Առաքինութիւնը որքան էլ բարձր է պահում իւր գլուխը երկնքում, սակայն, այնուամենայնիւ, նա միտն է պահում ասեղի ամեն մի, թէկուզ ամենաթոյլ, չնչին ծակոց, երբ և իցէ նրան հասցրած:

—Առանց դրական բովանդակութեան աշխարհում չի կարելի ոչ համակրական ոչ էլ հակակրական, թշնամական յոյզեր առաջ բերել: Կրակ է հարկաւոր մարդկանց վառելու համար որպէս թշնամութեան, նոյնպէս և սիրոյ համար:

Իսկապէս մենք ամենքս ապրում ենք հոգևոր մենութեան մէջ: Կրթութեան առանձին մեթոդը կամ գրքերի պատահական, յատուկ ընտրութիւնը տուել է մեզնից իւրաքանչիւրին բնաւորութեան առանձին ուղղութիւն: Իւրաքանչիւրը մեզնից, հոգևորապէս դիմակաւորուած, մտածում է, զգում է և ձգտում է այլապէս քան ուրիշները, և այնքան շատ թիւրիմացութիւններ կան, որ ամենից մեծ ապարանքներում անհնարին է մեզ համար միասին ապրել, ամենուրեք մեզ համար նեղ է, ամեն տեղ մենք օտար ենք:

Իմաստունները նոր մտքեր են հնարում, իսկ յիմարները նրանց քարաձուլ են:

—Նպատակը և միջոցը—պայմանական հասկացողութիւններ են, նրանց մարդն է հնարել: Արարիչը այդ չգիտէր: Ստեղծուածը ինքն իր համար նպատակ է: Կեանքը ոչ նպատակ է, ոչ էլ միջոց: Կեանքը իրաւունք է:

— Անցեալը մարդու հոգու ծննդավայրն է: Երբեմն մեզ պատում է երբ ևիցէ մեր վերապարած զգացմունքների մասին վիշտը, նոյն իսկ վիշտ անցած ցաւի համար:

— Աշխարհը երկու մասի է ճեղքուած, տրոհուած: Որովհետև բանաստեղծի սիրտը աշխարհի կենտրոնն է, նա էլ երկուսի է պատասուած. ով պարծենում է նրանով, որ ամբողջական սիրտ ունի, նրա սիրտը պրօզաիկ նրբափոփոցային սիրտ է: Իմ սրտի միջով անցաւ աշխարհի մեծ տրոհումը, պատասուածքը:

Միշտ արն ախ, ինչ կարող ես անել և ինչի համար բնութիւնը քեզ ոյժ է տուել, ինչպէս կեանքի մէջ: Նոյնպէս արուեստի մէջ: Մարդի ամենից զժբազգ անէծքներին պատկանում է ախ, որ նա արհամարհում է բնութեան իրան շնորհած ձիրքերը և ամենաթանկագին բան համարում է ամենից պակաս մտաչելի բաները: Եթէ ազամանդները և գոհարները չգտնուէին ծովերի յատակում և լեռներէ խորքում, նրանք թանգ չէին լինի:

Նա բնաւորութիւն ունի, ով ապրում է որոշ աշխարհահայեցողութեան յայտնի շրջանում, կարծես ինքն իրան նոյնացնում է նորա հետ և երբէք հակասութեան մէջ չէ ընկնում իր զգացմունքների

և մտքերի հետ. շատ աչքի ընկնող մարդկանց մասին ամբողջը չի կարող որոշել, արդեօք նրանք բնաւորութիւն ունին: Նա չի տեսնում այն հոգևոր շրջանները, որոնց մէջ նրանք պատում, դառնում են:

—
Ոչ մի մարդ չի մտածում. միայն երբեմն ահամայից մի բան է ընկնում նրա գլուխը, և այս նա անուանում է մտքեր և սրանց՝ մտքերի միմեանց հերթով հետևումը մտածողութիւն: Ոչ մի մարդ չի մտածում, ոչ մի փիլիսոփայ չի մտածում, ոչ Շելլինգը, ոչ էլ Հեգելը չեն մտածում: Նրանց փիլիսոփայութիւնը—օդ է և ջուր, ինչպէս երկրի ամպերը: Հպարտ և հաստատ լտղում են նրանք ձեզ վրա, իսկ հեռակալ արշալոյսը կը դարձնի նրանց սկզբնական ոչնչի:

—
Աստուած առ հասարակ հեշտացնում է համեստներին համեստութեան և ուրիշ նման առաքինութիւնների խնդիրը: Դիւրին է ներել թշնամիներին, երբ բաւական իւելք չունիս նրանց վրասելու համար, և դիւրին է պղկաւոր քիթ ունեցող մարդուն ողջախոս լինել:

ԲՆՈՒԹԻՒՆ

Միթէ միևնոյն չէ, ինչպէս կատարել կեանքի ճանապարհորդութիւնը ձիով թէ ոտով կամ ջրով: Վերջը մենք ամենքս պիտի ընկնենք այն պանդոկը, այն անպիտան պանդոկը, ուր դուռը բացուում է բահով, ուր այնպէս նեղ է, և այնպէս ցուրտ այնպէս մութ, բայց սրտեղ կարելի է այնպէս լաւ քնել:

Ե՞ս չհաւատամ անմահութեան, ես, որի սիրտը աւելի խոր ու աւելի խոր տարածում է իւր արմատները անցեալի և ապագայի հեռաւորագոյն դարերի մէջ, ես, որ մէկն եմ ամենից յաւիտենական մարդկանցից, որի իւրաքանչիւր շունչը յաւիտենական կեանք է, իւրաքանչիւր միտքը—յաւիտենական աստղ:

Մահը սարսափելի է նրանց համար, որոնք ճանաչում են միայն անցեալը և ապագան և որոնք ներկայի իւրաքանչիւր վայրկենին չգիտեն վերապրել յաւիտենականութիւնը: Երբ նրանցից խլում են ուժով երկու նեցուկները՝ տարածութիւնը և ժամանակը, այդ մարդիկ խորասուզւում են յաւիտենական ոչնչի մէջ:

—Միթէ երազները պակաս իրական են քան ինքը իրականութիւնը:

—Ես սիրում եմ ծովը, ինչպէս իմ հոգին: Երբեմն ինձ թւում է, որ ծովն է իսկ իմ հոգին:

—Աստղերը սիրող, համակրող էակներ չեն, այլ գիշերուայ փայլուն ուրուականներ, յաւիտենական պատրանքներ մտածուած, հնարած երկնքում, ոսկի սուտ կապոյտ, լազուր ոչնչի վրա:

—Երեխաները մեզնից փոքր են: Նրանք դեռ յիշում են, ինչպէս նրանք իրանք ծառեր, թռչուններ են եղել, և կարող են դեռ նրանց հասկանալ, իսկ մենք ծեր ենք, մենք մեր գլխում շատ հոգուեր ունինք, իշաւաբանութիւն՝ իւրիսպրուդենցիա և վատ ոտանաւորներ:

—Ինչպէս մեծ բանաստեղծը—բնութիւնը չէ սիրում կտրուկ, սուր փոխանցումներ: Ինչպէս մեծ բանաստեղծը, բնութիւնը խիստ աննշան միջոցներով համնում է վիթխարի էֆֆեկտների. նա ունի միայն—արև, ծառեր, ծաղիկներ, ջուր և սէր: Ի հարկէ, երբ սրտումս էր չկայ, այն ժամանակ արևը գունդ է այսքան ու այնքան մղոն տրամագծով, ծառերը պէտք են միայն վառելու համար, ծաղիկները բաժանւում են առէջքների և ջուրը թաց է:

ԱՐՈՒԵՍ

Արուեստի մէջ ձևը—ամեն ինչ է, բովան-
գակութիւնը—ոչինչ: Դերձակ Շտաուբը նոյն
փողն է առնում սերտուկի համար, երբ նրան
հայթհայթում են մահուղը և այն ժամանակ,
երբ նա ինքն է մահուղը հայթհայթում:

—Երաժշտութիւնը—արուեստի վերջին խօսքն
է, ինչպէս մահը—կեանքի վերջին խօսքն է:

—Ինչ է արուեստի մէջ բարձրագոյնը.
այն, ինչ որ կեանքի բոլոր արտայայտութիւն-
ների մէջ բարձրագոյնն է՝ ոգու գիտակցական
ազատութիւնը:

—Մեծ արուեստագէտը կարող է երբեմն
վատ բան ստեղծել, բայց երբեք աւելորդ բան
չի ստեղծի:

—Արուեստագէտը այն երեխան է, որի մա-
սին պատմում է հէքիաթը, որի ամեն մի կա-
թիլ արցունքը ազամանդի է փոխում:

—Միայն տաղանդ ունեցող արուեստագէ-
տը մինչև կեանքի վերջը պահպանում է ստեղ-
ծելու իւր ձգտումը. նրան ծակում է փառա-
սիրութիւնը. նա զգում է, որ շարունակ կատա-
րելագործում է, կատարելութեան ի ձգտում.
բայց հանձարը միանգամից ստեղծում է վեհա-

գոյն բան. նա գո՛ւ է. նա արհամարհում է աշ-
խարհը և տուն է գնում, ինչպէս Շէքսպիրը
Ստրատֆորդ, կամ ծիծաղելով և դատելով,
զբօսնում է իտալացոց բուլվարի վրա (բուլվար
դէզիտալիէն), Պարիզում, ինչպէս Րոսսինին:

—Գնահ Հոովմ: Այնտեղ դու կըբարձրանաս
մինչև Րաֆայէլի իդէալականութեան հասկա-
ցողութիւնը:

—Րաֆայէլը զմայլուած է կաթոլիկ քրիս-
տոնէութեամբ, մի կրօնով, որ արտայայտել է
ոգու կռիւը նիւթի հետ, երկնքի կռիւը երկրի
հետ, որ նպատակ ունի երկրի և նիւթի նուա-
ճումը:

—Երաժշտութեան էութիւնը—յայտնու թիւ-
նքն է: Երաժշտական կրիտիկան յայտնու-
թեան մասին զրուած վարդապետութիւնն է:

—Բանաստեղծը փոքրիկ արարիչ է, նա
նման է Աստուծուն և նրանով, որ ստեղծում է
իւր մարդկանց իւր պատկերի համաձայն:

—Բանաստեղծութիւնը մարդի հիւանդու-
թիւնն է: Այսպէս մարգարիտը ոստրէի հիւան-
դութիւնն է:

—Բանաստեղծը պէտք չէ անձնատուր լի-
նի իւր անձնականութեան, նա պէտք է ամեն
բան գրելու կարողութեան մէջ լինի:

—Միայն մեծ բանաստեղծը կարող է իւր
ժամանակի պօէզիան հասկանալ:

—Անցեալի պօէզիան աւելի դիւրին է հասկանալ:

—Աւելի յիմար բան չկայ այն հարցից թէ ով է երկու բանաստեղծներից աւելի մեծ: Կըրակը կրակ է: Նրան չի կարելի որոշել կշռով, ունցիաներով:

—Քնարական երգերը բոլոր շրջաններումն էլ հաւասար են, ինչպէս սոխակի երգերը բոլոր գարուններին:

Լաւագոյն քնարական պօէզիան—գերմանականն է, այժմ ազգերը քաղաքականութեամբ են զբաղուած, նրանք ժամանակ չունին, բայց կըզայ ժամանակ, երբ բոլոր ազգերը կհամախմբուին կանաչ անտառում և կերգեն, և ռուսակը կլինի գատաւոր, և առաջնութեան դափնին կտրուի գերմանացիներին:

Երկինք են բարձրացնում, գովաբանում այն զրամատուրդին, որ հանդիսականի աչքերից արտասուք է կորզում. այդ տաղանդը նա բաժանում է սոխի հետ:

Գերմանացին թատրոն է գնում արախտների խաղին նայելու և նրա մասին գատելու, Փրանսիացին պիէսան տեսնելու, որ տպաւորութիւններ ստանայ:

—Փրանսիական դերասանները լաւագոյններն են աշխարհիս վերայ: Բոլոր Փրանսիացիք ի ծնէ դերասաններ են: Նրանք դիւրին կերպով են մտնում ամեն մի դերի մէջ:

—Համէտի փոքրոզի բնաւորութիւնը լըրացնելու համար, Շէքսպիրը կատակաբան դերասանների հետ նրա զրոյց անելիս, նրան թատրոնական լաւ կրիտիկոս է զուրս բերում:

ԳՐԱԿԱՆՈՒԹԻՒՆ

Մեծութիւնը, որով փայլում էր Բեօրնէի դէմքը, այն գաղտնի մեծութիւնը չէր, որ մենք տեսնում ենք ծածուկ կերպով ամբոխի մէջ երևացող թագաւորի կամ հանճարի դէմքի վրա. այս այն յեղափոխական, վիթխարի մեծութիւնն էր, որ երևում է թեկնածուների դէմքերի վրա: Նորա շարժումների, քայլուածքի մէջ կար ինչ որ հաստատ, որոշ, բնորոշ բան: Հոգևոր մըրիկը արտասովոր մարդու մէջ էլէկարականօրէն ազդում է երիտասարդ, տակաւին չբացած հոգիներին վրա: Բեօրնէի աչքերից ցայտած կայծերը դիպան ինձ: Ես երբէք չեմ մոռացել այդ կայծերը:

Վիլհելմ Շլեգելը հասաւ իր փառքին միայն այն անուր յանդգնութեամբ, որով նա յարձակուում էր գրական հեղինակութիւններ յարաւ: Նա պոկում, վար էր առնում դափնեայ պսակները հին կեղծամբերից և գորա համար շատ փոշի հանեց: Նորա փառքը—սկանդալի բնական դուստրն է *):

Իմ «Երգերի պիրքը» — այս տպագրուած գրծանոց է, հոգեկան հիւանդների տուն:

Գրիմի գերմանական քերականութիւնը — հսկայական գործ է: Այդ գոթական տաճար է, ուր Գերմանիայի բոլոր ցեղերը, որպէս վիթխարի երգեցիկ խմբեր, իւրաքանչիւրը իւր բարբառով, աղօթքներ են վերառաքում դէպի երկինք:

— Նումորը, ինչպէս պատատուկ փարում է ծառի շուրջը: Առանց բունինա պէտք չէ:

*) Իսկ մեր կեանքի մէջ «անուն» հանած զանազան «ականները» գուլումիներ լանակից մթթէ նոյն մեթոդին չէին հետևում՝ սկանդալներ սարքելու և թող փշելու մեթոդին, իհարկէ, յոգուա իրենց գրպանի: Բայց, փառք Աստուծոյ, բոլոր սկանդալիստների և ըէկլամիստների վերջը շատ ախուր է լինում, նոյնը եղաւ մեր ըէկլամիստների հետ: Ժողովրդի արհամարհանքն և պատմութեան նախատիւքն է նրանց բաժինը: Ծ. Թ.

— Երբ քննադատի աչքերը մթագնած են արցունքով, նրա կարծիքը նշանակութիւն չունի: — Գրականութեան պատմութիւնը մեծ դիւարան է, ուր իւրաքանչիւրը փնտրում է իւր մեռածներին, որոնց նա սիրում է և որոնց նա իրան հարազատ է զգում:

— Գրականութեան մէջ, ինչպէս չիւսիսային Ամերիկայի վայրենի անտառներում, որդիք սպանում են հայրերին, երբ նրանք ծեր և թոյլ են դառնում:

✓ — Գրականութեան մէջ, ինչպէս քաղաքավանութեան մէջ, ամեն ինչ շարժում է ազդեցութեան և հակազդեցութեան, ակցիայի և քէակցիայի օրէնքով:

✓ — Գրականութեան պատմութիւնը այնպէս դժուար է գրել, ինչպէս բնական պատմութիւնը: Այստեղ, ինչպէս և այնտեղ, միայն աչքի լնկնող երևոյթներն են ինկաա առնում, մինչդեռ ջրի փոքրիկ բաժակի մէջ ապրում է հրաշալի կենդանիների մի ամբողջ աշխարհ, որոնք նոյնքան երևան են հանում Աստուծու ամենակարող զօրութիւնը, որքան և մեծ, վիթխարի անասունները: Այսպէս, ամենափոքր ժողովածուն երբեմն պարունակում է հարիւրաւոր բանաստեղծիկների, որոնք ուշադիր հետախուզողի համար նոյնքան հետաքրքրական են, որքան գրական փղերը: Աստուած մեծ է...

Ոգու ստեղծագործութիւնները անանց են: Բայց կրիտիկան անցաւոր է. նա ծնւում է ժամանակի հայեացքներից, միայն նորա համար ունի իր նշանակութիւնը և նորա հետ գերեզման է իջնում: Իւրաքանչիւր դար, նոր մտքեր ստանալով, ստանում է նոր աչքեր, և շատ նոր բան է տեսնում մտքի հին ստեղծագործութիւնների մէջ:

Ամեն ոք գրքի մէջ ուրիշ բան է գտնում: Թարգմանիչը պէտք է շատ տաղանդաւոր լինի և հեղինակին հարազատ, ազգակից ոգի ունենայ:

Գրական գողութեամբ պարապողները աւելի վատ և ստոր են մեծ ճանապարհի վրայի աւազակներից, որոնք քաջաբար գործում են կախուրեւ վտանգը գրկած, միշտ աչքի առաջ ունենալով. իսկ սրանք՝ գրական գողերը օգտուելով մամուլի օրէնսդրութեան թերութիւններից երկչոտ ապահովութեամբ, անպատիժ կերպով զրկում են աղքատ, խեղճ գրողին տաժանելի, իւր հալալ քրտնքի վաստակից:

Դօն-Քիշօտի և Սանխօ-Պանչօյի խօսակցութեան բնաւորութիւնը կարելի է այսպէս որոշել, որ Դօն-Քիշօտը միշտ խօսում է Րոսիւնանտի բարձրութիւնից, իսկ Սանխօն իւր ցած, կարճահասակ էշի վրայից:

Գեօթէն, Շէքսպիրը և Նոմերոսը իրանց վէպի կամ դրամայի ամեն մի անձի մէջ տեսնում են զլիաւոր անձ: Մեծ բանաստեղծների երկերի մէջ չկան երկրորդական անձեր:

Կրիտիկոսները Շէքսպիրի գրուածքների մէջ չեն տեսնում և դորա համար պախարակում են նրան երեք միութիւնների՝ ժամանակի, տեղի և գործողութեան բացակայութեան պատճառով: Մինչդեռ նրանք կան նրա գործերի մէջ. նրա միակ տեղը—երկրագունդն է, նորա միակ ժամանակը—յաւիտենականութիւնն է նորա միակ գործողութիւնը—մարդկութեան կեանքը:

Ժօրժ-Չանդի գրուածքների մէջ կայ արդարութիւն, բնութիւն, ճաշակ, գեղեցկութիւն, ոգևորութիւն և այս բոլորը շողկապուած է ու միացած հարմօնիայով:

—Եթէ պատմաբանը երկար հետախուզութիւններից և խորհրդածութիւններից յետոյ պէտք է խօսքի դիւթական հմայքով դէպի կեանք կոչի մեռած անցեալը, որ նա, իբրև կենդանի, մեր առաջ կանգնի, այն ժամանակ Միշլէն կատարել է այդ գործը:

Վիկտոր Հիւգօն—առաջնակարգ հանճար է: Երբեմն ինձ պաշարում է մի արտառոց միտք:

որ Հիւզօն Շէքսպիրի ժամանակակից մի ան-
 զլիացի բանաստեղծի ուրուականն է, մեռած
 բանաստեղծ, որ եկել է գերեզմանից ուրիշ աշ-
 խարհ և ուրիշ դար, որ գրէ մի քանի երկեր,
 ապահով Շէքսպիրի մրցումից:

✓ Վիկտոր Հիւզօն.—Փրանսիայի ամենամեծ
 բանաստեղծն է, նա Գերմանիայում անգամ ա-
 ռաջնակարգ բանաստեղծների շարքում կլինէր-
 նա ունի երեակայութիւն և զգացմունք և տակ-
 տի բացակայութիւն, որ միայն գերմանացիներ
 մօտ կարելի է գտնել: Նորա ոգուն պակա-
 սում է ներդաշնակութիւն: Նորա մուսան երկու
 ձախ ձեռք ունի:

Շիլլերը գրում էր յեղափոխութեան մեծ
 գաղափարների համար: Նա ոչնչացնում էր հո-
 գևոր բաստիլիաները, նա շինում էր ազատու-
 թեան տաճարը: Նա սկսեց ատելութեամբ դէ-
 պի անցեալը, որ մենք տեսնում ենք նորա «Ա-
 ւազակների» մէջ, ուր նա, որպէս փոքրիկ տի-
 տան՝ հսկայ, դուրս վազեց դպրոցից, և խմելով,
 ջարդեց Արամազդի՝ Իւպիտերի ապակիները:
 Նա վերջացրեց այն սիրով գէպի ապագան, որ
 ծաղկում է արդէն «Դօն-Կարլոսի» մէջ, որպէս
 ծաղիկների մի անտառ. նա ինքը այն մարկիզ
 Պօզան է, որ լինելով մարգարէ և զինուոր, պայ-

քարում, կուում է այն բանի համար, որ քա-
 րոզում է, և սպանիական թիկնոցի տակ ծած-
 կում է ամենից ազնիւ մի սիրտ, որ երբեք է
 սիրել է և տառապել Գերմանիայում:

✓ Բնութիւնը ցանկանում էր տեսնել, ինչ-
 պէս նա կերեայ, և ստեղծեց Գեօթէին:

— Գեօթէն մեծ մարդ է մետաքսեայ սիւր-
 տուկով:

✓ — Գեօթէն — բանաստեղծութեան Սպինո-
 զան է: Սպինոզայի վարդապետութիւնը վայր
 ձգեց իւր վրայից իւր մաթեմատիքական կեղևը
 և սաւառնում է մեր շուրջը Գեօթէի երգով:
 Ներդաշնակ բանաստեղծութիւնը հմայում է
 կենդանի սիրտը, ինչպէս սիրահարների փաղաք-
 շանքները: Պօսքը քեզ գրկում է, իսկ միտքը
 համբուրում:

Փառուստը — գերմանացիների աշխարհիկ Աս-
 տուածաշունչն է: Գեօթէի ստեղծագործութիւն-
 ները զարդարում են Գերմանիան, ինչպէս գե-
 ղեցիկ արձանները զարդարում են պարտէզները:
 Բայց նրանք արձաններ են: Նորանց վերայ կա-
 րելի է սիրահարուել, բայց նրանք ամուլ են:
 Գեօթէի ստեղծագործութիւնները գործ չեն ար-
 տազրում, ինչպէս Շիլլերինը: Գործը — խօսքի
 զաւակն է, Գեօթէի գեղեցիկ խօսքերը անզաւակ
 են:

—Այն, ինչ որ այս քննադատները բծեր են համարում մեծ արեգակի՝ Գեօթէի վրա—իսկապէս ծաղկած անտառներ, արծաթափայլ առուակներ, վեհապանծ լեռներ, ծիծաղկոտ հովիտներ են:

Լեսսինգը մարգարէ է, երբորդ ուխտի նախակարապետն է:

—Լեսսինգի բոլոր գրուածներում ապրում է նոյն մեծ սոցիալական զաղափարը, նոյն առաջադիմող մարդասիրութիւնը, մարդասիրութեան նոյն կրօնը:

Լեսսինգի հումորը—Ֆրանսիական այն փոքրիկ շնիկն է, որ վազում է իւր ստուերի ետեւից. նրա հումորը գերմանական մեծ կատու է, որ խաղում է մկան հետ և յետոյ նրան խեղդում:

Բեօրնէն այն գրողներից էր, որոնք միայն արտակարգ ոգևորութեան՝ էքստազի մէջ են գրում:

—Բեօրնէն մեծ հայրենասէր էր, գուցէ ամենից մեծը նրանցից, որոնք խորթ—մայր Գերմանիայի կրծքից ներս են ծծել կրակոտ կեանք և դառն մահ:

—Մտածողի՝ փիլիսոփայի կողքին պրոզա-

յիկ, չոր ու ցամաք մարդը, որ հանգիստ կերպով իւր գործով է պարապում, նման է այն եզան, որ հանգիստ կերպով որոճում է մսուրի մօտ, որի մէջ Փրկիչը, աշխարհ փրկող գաղափարն է լոյս տեսնում:

Կադմոսը բերում է Յունաստան փիւնիկէական այբուբէնը, զրելու արուեստը—այդ այն վիշապի ատամներն են, որ նա ցանեց. նրանցից առաջ եկած սպառազինուած մարդիկ փոխադարձաբար ոչնչացնում են միմեանց:

—Թոյն պատրաստող մարդը պիտի ապակեայ ձեռնոցներ հագնի:

—Որպէս խելացի մարդիկ յաճախ շատ յիմար են լինում, նոյնպէս և յիմարները երբեմն շատ խելացի են լինում:

Փամանակը խաղաղացնում, ազդեցութիւն է գործում մեր մտածողութեան եղանակի և զգացմանց վրայ այն հանգամանքի շնորհիւ, որ մենք յաճախ գործ ենք ունենում բոլորովին հակասական, միմեանց հակառակ իրերի հետ: Քաղաքապահ զինուորը, որ հսկում է կանկանի վրայ, վերջ ի վերջոյ շատ էլ անվայելուչ, աննպատակ չէ գտնում այն և ինքը կցանկար պարել անգամ այդ պարը: Բողոքականը, կաթոլիկութեան հետ երկար մաքառելուց յետոյ, այլ-

ևս նրա մէջ այնքան էլ սարսափելի բան չէ որոնում և չէ տեսնում և գուցէ յօժարութեամբ կլսէր մի կաթողիկական պատարագ:

Աշխարհում կան վսեմ հոգիներ, որոնք ամեն սեսակ նիւթական փառքից և վայելքներից բարձր են կանգնած, որոնք զահի վրայ նայում են օրպէս կարմիր թաւշով պատած աթոռի վըրայ: Կան նաև ստոր հոգիներ, որոնց համար ամեն իրէալական բաներ աննշան են թւում և որոնց համար կախազանի երկաթէ անուրը ոչ այլ ինչ է, եթէ ոչ երկաթէ փողպատ: Նրանք չեն վախենում երկաթէ փողպատից, եթէ միայն այդ միջոցով իրանց շուրջը կարող են ժողովել հասարակութիւնը, իսկ հասարակութեան վրայ նրանք ազդում են յանդգնութեամբ, որ նրանք ձեռք են բերել ըուտինայով:

Նրէութիւնը ազնուապետութիւն՝ արիստոկրատիա է, մի Աստուած ստեղծել է աշխարհը և կառավարում է այն, բոլոր մարդիկ Նորա որդիքն են, բայց հրէաները Նորա սիրելիներն են և նրանց երկիրը Նորա ընտրեալ երկիրն է: Նա միապետ է, հրէաները ազնուականներ, իսկ Պաղեստինը Աստուծոյ սիրելի երկիրն է:

Քրիստոնէութիւնը ժողովրդապետութիւն զե-

մօկրատիա է. մի Աստուած ստեղծել է ամեն ինչ և կառավարում է ամեն ինչ, բայց բոլոր մարդկանց Նա սիրում է հաւասարապէս և բոլոր երկիրները պահպանում է հաւասարապէս: Նա արդէն ազգային Աստուած չէ այլ ևս, այլ համաշխարհային:

Հրէաները միակ ազգն էին, որ Եւրոպայի քրիստոնէութիւն ընդունելու ժամանակ պահպանեցին իրանց հաւատի ազատութիւնը:

Հնդիկների վիպական բանաստեղծութիւնները նրանց պատմութիւնն են. բայց մենք կարող ենք օգտուել նրանցից, որպէս պատմութիւններից միայն այն ժամանակ, երբ կգտնենք օրէնքներ, որոնց շնորհիւ հնդիկները իրօք բանաստեղծական Ֆանտաստիկական էին դարձնում: Այդ չի աջողուել մեզ մինչև այժմ յոյների առասպելաբանութեան վերաբերմամբ. սակայն այստեղ բանը աւելի դժուարանում է, որովհետև յոյները այն ամենը, ինչպէս որ իրօք կատարուած է եղել, միշտ ձևարուեստական ձևով առասպել էին մշակում, դարձնում, որ և աւելի ու աւելի որոշ էր դառնում: Հնդիկների մէջ ընդհակառակն, ֆանտաստիքական մշակութիւնը՝ կերպարանափոխութիւնը, շարունակում է խորհրդարանշան մնալ, որ անվախձանը, անսահմանն

է որոշում և որին բանաստեղծի ֆանտազիան չի կարող աւելի որոշ ձևեր տալ պլաստիկ կերպով:

Հնդիկը կարող էր միայն հսկայական վէպեր ստեղծել, որովհետև նա, որպէս առ հասարակ պարզ դիտողութեան տէր մարդ չէր կարող աշխարհի ընդհանուր կազմից որ և է մի մաս կտրել: Ամբողջ աշխարհը նրա համար վիպական բանաստեղծութիւն է, որի մէջ «Մահաբարատան» մի գլուխ է կազմում միայն: համեմատեցէք հնդկական միստիկան՝ խորհրդագրածութիւնը մերի հետ. մերը վարժում է սուր միտքը, նրբամտութիւնը նիւթի լուծման, բաժանման և միացման համար, բայց նա չի կարող գաղափար կազմել: Պարզ դիտողութեան գաղափարները մեզ համար բնաւ անծանօթ բաներ են: Հնդկական մուսան հէքիաթները երազող, ցնորքների մէջ խորասուզուած իշխանուհին է:

Որպէս առհասարակ իւրաքանչիւր մարդ զգայական աշխարհում նայում է որոշ առարկայի վերայ իւր հայեցակէտով, նոյնպէս և իւրաքանչիւր մարդ մի յայտնի, որոշ գրքի մէջ տեսնում է մի բան, որ մի ուրիշը այլ կերպ է տեսնում: Հետևաբար թարգմանիչը պէտք է

խիստ խելացի և տաղանդաւոր մարդ լինի, որովհետև նա անհրաժեշտօրէն պէտք է թարգմանելի գրքի մէջ որոնի և տեսնի ամենից կարևոր և լաւագոյն բաները՝ այդ բոլորը ուրիշներին հաղորդելու համար: Բնագրի բառերը, մարմնական՝ արտաքին, միտքը կարող է իւրաքանչիւր ոք թարգմանել, ով որ քերականութիւն է սովորել և մի բառարան ձեռք բերել: Բայց իւրաքանչիւր մարդ չի կարող թարգմանել ոգին, հասկանալի դարձնել այն: Թող այդ բանը ի նրկատի ունենայ վալտեր Սկոտտի բովանդակութիւնը՝ վէպերի այն չոր ու ցամաք, պրօզայիկ թարգմանիչը, որ այնպէս պարծենում է իւր թարգմանութեանց ճշտութեամբ: Ինչ է նշանակում թարգմանել, ճշգիւ տալ բնագրի ոգին՝ կարելի է ամենից լաւ տեսնել Փօրստերի «Մակունտալայի» կրկին, երկրորդ թարգմանութիւնից:

Բովանակիչների ժամանակ սիրում էին ծաղիկը միայն իւր հոտի, բուրման համար. մեր ժամանակում մենք սիրում ենք ծաղկի պտուղը: Այս պատճառով է և մեր ձգտումը դէպի գործնականը, դէպի պրօզան, դէպի կոշտը և առօրէականը:

Արուեստի մէջ նոր շրջան է երևան եկել:

Բնութեան մէջ նորն օրէնքներն են գտնուում, որոնցով մեր մարդկային ոգին ևս կառավարուում է, նրանց մարդացնում են, մարդկային ոգու մէջ բնութեան օրէնքներն են գտնուում—մագնիսականութիւն, էլէքտրականութիւն, ձգողական և վանողական բևեռներ (Հայնրիխ Չօն-Կլայստ): Գեթէն ցոյց է տալիս բնութեան և մարդու մէջ փոխադարձ յարաբերութիւն. Շիլլերը կատարելապէս ոգեպաշտ է, նա հեռացնում է բնութիւնից, նա Կանտի էսթետիկայի կողմնակից է:

Երբ ես կարդում եմ համաշխարհային պատմութիւնը և ինձ զարմացնում է որ ևէ սխրագործութիւն կամ որ ևէ երևոյթ, ես կցանկայի երբեմն այդ բաների մէջ տեսնել կնոջը, որպէս գաղանի զրգիչ ծածկուած այդ գործերի ետևում—կանայք կառավարում են աշխարհը, թէև «Moniteur»-ը միայն տղամարդկանց անուններ է մէջ բերում: Նրանք կազմում, շինում են պատմութիւնը, թէպէտև պատմաբանը միայն տղամարդկանց անուններ է իմանում: Հերոզոտի պատմութեան սկիզբը խիստ սրամիտ է:

ՍԷՐ ԵՒ ԱՄՈՒՍՆՈՒԹԻՒՆ

Սիրոյ բացատրութեան ժամանակ պէտք է ընդունել բնագիտական երևոյթը՝ ֆենօմենը կամ պատմական փաստը: Արդեօք այդ միայն լոկ համակրութիւն է, որպէս յիմար մագնիսը դէպի ինքն է քաշում կոպիտ երկաթը, կամ գուցէ այդտեղ պէտք է մի նախնական պատմութիւն ընդունել, որի ազօտ գիտակցութիւնն է պահպանուել մեր մէջ և արտայայտուում է անբացատրելի ձգողական և վանողական ոյժերով:

—Որ Քսանտիպպէսի ամուսինն այնպիսի մեծ փիլիսոփայ դարձաւ, խիստ զարմանալի է: Այնպիսի հայհոյանքների, կռուի ու ազմուկի մէջ՝ դեռ մտածել... Բայց զրեւ արդէն նա բնաւ չէր կարող, այդ անհնարին էր, Սուլրատէսը իրանից յետոյ =չ մի դիրք չի թողել:

—Մահմեդականներն որոշակի ասում են, որ կինը երբէք զրախտ չի գնալ, Մահամէդը նրան դուրս է վանել այնտեղից: Գուցէ նա կարծում էր, որ զրախտը զրախտ չէ այլևս, եթէ իւրաքանչիւր մարդ իւր կնոջը կրկին այնտեղ կգտնէ:

—Իւրաքանչիւր ամուսնացող նման է Ագրիական ծովի հետ ամուսնացող դոժին, նա չըզիտէ ինչ կայ այնտեղ—գանձեր, մարդարիտ, հրէշներ, անծանօթ մրրիկներ:

— Գերմանիայի կանայք վտանգաւոր են իրանց յիշատակարաններով, որ ամուսինը կարող է գտնել նրանց մօտ:

— Գերմանական ամուսնութիւնը իսկական ամուսնութիւնն չէ: Այրը չէ թէ կին ունի, այլ աղախին և մինչև անգամ իւր ընտանիքի շրջանում նա շարունակում է իւր առանձնացած ամուրի կեանքով ապրել: Ուստի ես դրանով չեմ ցանկանում ասել, որ նա տէր է, այլ ընդհակառակն յաճախ նա իւր աղախնի ծառան է և նրա ստրկական ոգին իւր տան մէջ չի լքանում:

— Երիտասարդութեան ժամանակ սէրն աւելի փոթորկալից է, բայց ոչ այնքան զօրեղ, ոչ այնքան ամենակարող, որպէս հետագայ տարիներում: Երիտասարդութեան ժամանակ սէրն այնքան յարատե չէ, որովհետև այդ ժամանակ մարմինն էլ սիրում է, մարմնական ցանկութիւններ է տենչում սիրոյ մէջ և հաղորդում է հոգուն իւր արեան ամբողջ ուժգնութիւնը, տենչանքի ոյժի ամբողջ առատութիւնը: Ապագայում, երբ այդ ոյժը թուլանում է, երբ արիւնն աւելի դանդաղօրէն է հոսում երակների մէջ, երբ մարմինն այլևս սիրահարուած չէ—այն ժամանակ միայն հոգին է սիրում, անմահ հոգին, և որովհետև յաւիտենականութիւնը նրա տրամադրութեան տակն է, ուստի նա այնքան էլ տկար և անկայուն չէ, որպէս մարմինը: Նա չի շտապում և սիրում է արդէն ոչ այնքան բուռն, ուժգին կերպով, բայց աւելի յարատեօրէն, աւելի ևս խոր և գերմարդկային կերպով:



« Ազգային գրադարան



NL0139593

